





特 7
10
494


十
六



国立国会図書館 タイトル『本草匯18巻』 請求記号 特7-494

ガラス使用

特7-494



本草匯卷十目次

草部

延胡索

四一

山慈姑

即金燈
龍四三

龍膽草

四五

當歸

四七

蛇牀子

四九

白芷

五一

赤芍藥

五三

貝母

四二

茅根

四四
附

細辛

四六

川芎

四八

藜蘆

五〇

白芍藥

五二

牡丹皮

五四



本草匯

卷十

目次

海



木香 即青木香五六

高良薑 五七

紅豆蔻 即高良薑子五八

草豆蔻 五九

白豆蔻 六十

砂仁 即縮砂薔六一

益智 六二

萹荑 六三

肉豆蔻 即肉果六四

補骨脂 即破故紙六五

薑黃 六六

鬱金 六七

蓬莪朮 六八

荆三稜 六九

莎草根 即香附七十

藿香 七一

蘭葉 七十二

澤蘭 七三

馬蘭 七四

香薷 七五


假蘇 即荆芥七六

薄荷 七七

紫蘇 梗附七八

蘇子 七九

積雪草 八十



癥本經主婦人月經不調者蓋婦人以氣血為主氣血不和因而凝滯此月事之所以不能以時至也延胡性辛溫溫則和暢和暢則氣行辛則能潤而走散走散則血活氣行而病調矣按延胡索活血化氣之神藥也惟其氣血兼理故能行血中氣滯氣中血滯通理一身上下諸痛往往獨行功多時珍云昔有王妃食麵着怒病腕心痛諸藥皆不効因思雷公炮炙論云心痛欲死速覓延胡用此痛止又有人遍體痛不可忍中風中濕中氣之藥無不雜投周離亨言

是氣血凝滯也用玄胡歸桂酒服遂止乃知延胡是活血化氣第一品藥也然走而不守惟有瘀滯者宜之若經事先期虛而崩漏產後虛而暈血熱百病皆應補氣涼血清熱一切辛走之藥萬不可服

安東縣名屬江南省生從奚國如半夏色黃上部酒炒中部

醋炒下部鹽水炒

貝母四二味苦辛平微寒陰中微陽可升可降陰也

入手太陰少陰足少陽經消痰潤肺滌熱清心欬嗽紅痰要矣胸中鬱結神哉點目昏毆黃疸惡瘡油敷

本草綱目 卷一 草部 貝母 二 每七頁



收歛鵝口繳淨抹塗

滿口白爛為未蜜少許入水煎繳淨抹之日四五度仲景

治寒實結胸製小陷胸湯以栝樓子黃連輔斯作主

因味辛散苦瀉故能下海藏料產後無乳立三母散氣今方改用半夏誤也

用牡蠣知母尊此為君

煮猪蹄湯調服

本經主淋瀝者小腸

有熱也心與小腸為表裏清心家之煩熱則小腸之

熱亦解矣又治邪氣喉痺邪氣邪熱也辛以散結苦

以泄邪寒以折熱得此而邪氣除也經曰一陰一陽

結為喉痺一陰者少陰君火也一陽者少陽相火也

解少陰少陽之熱除胸中煩熱喉痺自愈又主乳難

者足厥陰足陽明之氣結滯而不通也辛能散結氣

通其結滯則乳自瘳按貝母苦辛辛宜歸肺苦宜

歸心大抵心清氣降而肺賴以寧且潤而化痰故多

功于西方也散心胸鬱結之氣居多汪機曰俗以半

夏燥而有毒代以貝母不知貝母寒潤乃太陰肺經

之藥肺為燥金性喜潤故其治也專主肺家燥痰半

夏溫燥乃太陰脾經陽明胃經之藥脾為濕土性喜

燥故其治也專主脾胃濕痰兩者天淵何可代乎若

痰在脾經誤用貝母之潤投以所惡可翹首待弊矣



故凡寒濕痰食積痰脾胃濕痰腎虛水泛為痰及痰厥頭痛中惡嘔吐胃寒作泄等症法應以辛溫燥熱之藥如南星半夏天麻蒼白朮茯苓之類治之者均非貝母所司也同天麥冬桑皮枇杷葉百部桔梗甘草治肺熱欬嗽及胸中煩熱同百部百合苡仁麥冬蘇子欝金童便治肺熱吐血同番降香欝金橘紅遠志蘇梗蘇子香附白菴開鬱痰加撫弓神曲開一切氣鬱產荆襄黃白輕鬆者為良油黑重硬者勿用去心糯米拌炒米熟為度厚朴為使畏秦艽反烏頭

獨顆非兩片者名丹龍眼不可入藥誤服令人筋脉永不收用黃精小藍汁合服立愈

山慈姑

即金燈籠
四三

味甘微辛氣寒小毒入足陽明經

消粉滓痲點治狂犬蛇傷生搗為拔毒敷藥頻換則

靈焙研合玉樞神丹必資作主

玉樞丹方山慈姑焙
二兩川五倍焙二兩

紅芽大戟焙一兩續隨子壓去油二兩麝香三錢一方加金箔十帖牛黃珍珠琥珀硃砂雄黃乳香沒藥各三錢名入寶玉樞丹散癰疽無名疔腫療癰癤有毒惡瘡葉

塗乳癰便毒花主小便血淋按山慈姑花狀如燈

籠而紅根狀如慈姑而白茵陽雜俎云金燈之花與



本草綱目 卷一
四 木石
葉不相見故又謂之無義草能散熱消結然寒涼之
品不得過服也 根苗絕類老鴉蒜但蒜根無毛慈
姑有毛殼包裹為異用去毛殼焙苗枯即掘遲則苗
腐難尋矣忌甘草

茅根 四四 味甘氣寒入手太陰少陰太陽足太陰陽
明經主內熱涼金定喘祛煩渴利水通淋吐衄血閉
并治黃疸酒毒皆除其針潰癰其花主血本經治勞
傷虛羸補中益氣除瘀血血閉寒熱者蓋虛羸之人
必內熱甘能補脾甘則雖寒而不犯胃甘寒能除內


熱也益脾所以補中除熱所以益氣甘能益血血熱
則瘀瘀則閉閉則寒熱作矣寒涼血甘益血熱去則
血和和則瘀消而閉通通則寒熱自止也別錄下五
淋除客熱在腸胃止渴者淋乃血分虛熱所致涼血
益血則淋自愈而腸胃之客熱亦解津液生而渴亦
止矣又主婦人崩中者血熱則妄行溢出上竅涼血
和血則崩自愈 按茅根感春陽生生之氣甘寒能
除伏熱性又入血消瘀且下達州都引熱下降故能
止諸血噦逆喘逆消渴及五疸水腫乃良物也世人

因其微而忽之。惟事苦寒之劑。致傷冲和之氣。烏足知此哉。若因寒發噦嘔吐等症。不得服也。其針即初生苗也。氣味甘涼。酒服能潰癰軟癩。每食一針。即潰一孔。二針二孔。大奇。其花甘溫。能止吐血。又罨金瘡。屋上敗茅。能治痘瘡潰爛。癰腫不乾。焙乾摻之。取其性寒而解毒。又能燥濕也。洗去衣皮。忌鐵器。

龍膽草 四五 苦澇。大寒。氣味俱厚。沉而降。陰也。足厥陰少陽經氣分藥。又入足少陰陽明。解膽肝之邪熱。清下焦之濕火。熱伏胃中。可除赤睛腫脹。能療去腸

蟲。理咽喉。穀疸勞疸。並治癰疽疔熱。皆驅。按龍膽草稟純陰之氣。專以蕩滌肝膽之熱為職。若濕熱邪氣之在中下二焦者。非此不去。時珍云。相火寄在肝膽。有瀉無補。故瀉肝膽之熱。正所以益肝膽之氣也。但大苦大寒。過服恐傷胃中。生發之氣。反助火邪。亦久服黃連。及從火化之義也。其用有四。一治下部風濕。一治濕熱。一治臍下至足腫痛。一治寒濕脚氣。先哲謂苦寒伐標。宜暫不宜久。如聖世不廢刑罰。所以佐德意之窮。苟非氣壯實熱之證。率爾輕投。其敗也。

本草綱目 卷一 草部 龍膽草 五



必矣。若病虛而有熱，及脾胃兩虛者，俱忌。下行之功，與防已同。酒浸則能上行，外行以柴胡為主。治眼必用之藥也。以目屬肝，能退肝經熱耳。空腹餌之，令人溺不禁，亦苦寒下泄之過也。甘草湯浸一宿，晒乾用，貫衆為之使，惡地黃。

細辛 四六 大辛，氣溫，氣厚於味，陽也，升也。入足厥陰少陰血分，為手少陰引經之藥。溫腹內之陰寒，開胸中之結滯，止少陰頭痛如神。宜少川之，獨活為使。散頭面風氣有驗。若頭目諸症，因火熱屬陽經者，不可用。溫陰經，去內寒，通鼻理

血閉，劫風淚，療牙疼，去皮風濕癢，治口臭喉痺。本經治濕痺，死肌者，蓋痺及死肌，皆是感地之濕氣，或兼風寒所成。風能除濕，溫能散寒，辛能開竅，故前症自療。按細辛，稟升陽燥烈之氣，而為風劑，辛香開竅，能發少陰汗，而止頭痛。溫少陰之經，散水，停心，下不行，則腎氣燥，宜辛以潤之。細辛之辛，以行水氣而潤燥。果曰膽氣不足，細辛補之。又治邪氣自裏之表，故仲景少陰症，用麻黃附子細辛湯，治邪在裏之表藥。有以也。時珍曰：氣之厚者能發熱，陽中之陽也。辛溫

本草綱目 卷一 草部 細辛



能散故風寒濕火痰氣者用之亦用治口瘡齒疾者
 取其發散浮熱火鬱則發之之義也以其能散浮熱能發火鬱故風寒濕痰驚癇等症口瘡喉痺之疾無一不用但開寒佐以姜桂破積佐以姜附去積佐以防風乃為至捷
 辛能瀉肺故風寒咳嗽上氣者宜之辛能補肝故膽氣不足驚癇目疾者宜之辛能潤燥故通少陰及耳聾便瀉者宜之又治督脉為病脊強而厥若太陽則无活陽明則白芷太陰則蒼朮厥陰則川芎吳萸少陽則柴胡用者隨經不可差也若涉虛內熱及火升炎上上盛下虛氣虛有汗血虛頭痛陰虛嗽咳脾胃

兩虛作泄等症皆當痛戒即入風藥中亦不可過五分多則令人氣塞悶死亦勿空腹服餌令人溺不禁以其太苦則下泄太甚故也 產華陰屬陝西者良世多以杜衡等藥亂之不可不辨皆當以根苗色味細辨之葉似小葵菜莖極細根直深紫色味極辛嚼之習習如椒者細辛也葉似馬蹄莖微粗根曲似飯帚密開細長微黃白色味亦辛者杜衡也作浴湯香一人衣體莖直上莖端生葉如繖似細辛微粗而黃白色味辛微苦者鬼督郵也有毒治鬼症邪惡之病似鬼督郵而色黑者



及已也。入口令人吐血治諸惡瘡似小桑根似細辛

微粗長而黃色味辛而有臊氣者徐長卿也。有毒抱朴子言

上古辟瘟疫有徐長卿散良効葉似柳而根似細辛粗長黃白色而

味苦者白微也似白微而白直味甘者白前也。二藥見前

使細辛揀去雙葉服之害人去頭上田瓜水浸一宿

晒乾用棗根為之使得常歸芍藥白芷川芎牡丹蒙

本甘草共療婦人血閉得決明鯉魚膽青羊肝共療

目痛惡黃芪狼毒山萸忘生菜狸肉畏硝石滑石反

藜蘆

當歸 四七 苦甘辛溫氣厚味薄可升可降陽中微陰

入手少陰足太陰厥陰血分血結滯而能散血不足

而能補血枯燥而能潤血散亂而能撫亦能溫中止

心腹之痛養榮療肢節之疼外科排膿止痛女科瀝

血崩中去瘀生新潤腸養筋本經治溫瘧寒熱洗洗

在皮膚中者邪在厥陰也行血則厥陰之邪去寒熱

洗洗隨愈矣又主漏下絕子者蓋婦人以血為主也

見此症者必有血枯之患矣別錄治風瘕汗不出者


因風邪乘虛客于血分也得辛甘之味則血行而和



瘰癧自柔而汗自出。按當歸為血分要藥，氣血昏亂服之即定，能領氣血各有所歸。患人虛冷，須加用之。故仲景治手足厥寒，脉細欲絕者，用當歸之苦溫以助心血。凡血受病，諸病夜甚，不可少也。血壅而不流，則痛。當歸之甘溫能和血，辛溫能散內寒，苦溫能助心散寒，用之而氣血自平。入手少陰，以其心生血也。入足太陰，以其脾裹血也。入足厥陰，以其肝藏血也。隨所引而各有用焉。分三治而通肝經，雖為血中至入血室皆不用之者為其一，滯中腕二動痰涎三壞胃氣而血熱宜乎犀角升麻柴胡生地而非此所能

退血瘀宜乎桃仁、大黃，而非此所能除。故屏棄之，雜病用此。因其脉之滑數實而當破血，宜從桃仁、紅花、大黃、蘇木。因其脉之澀數虛而當補血，宜從四物加減。較此但能主後天血分受傷為氣不虛，獨治血也。若氣虛血弱，當從長沙血虛以人參補之。陽旺生陰血之義，而白朮、黃芪尚不齒及。何況四物之劑乎。與白朮芍藥生熟地，則滋陰而補腎。與川芎則上行頭角治血虛頭痛。再入芍藥木香少許，則生肝血以養新血。同諸血藥入薏苡仁、牛膝，則下行足膝而治血不榮筋。同諸血藥入以人參、川烏、烏藥、苡仁之類，則能榮于一身之表。以治一身筋寒濕痛。同四物加炒黑乾薑、炒黑豆、澤蘭、牛膝、益母草治婦人產後百

本草綱目 卷十 草部 當歸



本草綱目 卷十
病同地榆金銀花滑石紅曲治帶下純血裏急後重
同牛膝鼈甲橘皮生薑治瘡在陰分久不止第欬逆
上氣者當歸血藥亦能治之何也不知當歸非獨主
血味兼辛散乃是血中氣藥况欬逆上氣非止一端
亦有陰虛陽無所附以致然者今用血藥補陰與陽
齊等則血和而氣降矣同人參黃耆補氣而生血同
牽牛大黃行氣而破血從桂附茱萸則熱從大黃芒
硝則寒酒蒸治頭痛諸痛皆屬火故以血藥主之雖
能治血補血終是行走之性與胃氣實不相宜其性

泥滯風邪初旺及氣鬱者宜少用之凡腸胃薄弱洩

瀉及一切脾胃病惡食不思食者並禁用之即在產

後胎前亦不可用生秦屬陝西蜀屬四川兩邦有二種

頭圓尾多色紫氣香肥潤者名馬尾當歸為上品質

黑氣薄堅枯名蠶頭當歸為下品不堪入藥凡用去

頭尖硬處併塵土微焙行表酒洗片時行上酒浸一

宿頭破血而上行稍破血而下流全活血而守中體

肥痰盛薑汁炒日乾畏菖蒲海藻生姜惡濕麵

川芎即芎藭味辛苦溫氣厚味薄浮而升陽也少陽

本草匯 卷十 草部 川芎 上 海花與

本草綱目 卷之十
二 木部
本經引經藥又入手足厥陰氣分助清陽而開氣鬱
活滯血而養新血療血虛腦風頭痛去首面濕氣遊
風頭面風雖下可缺然須以他藥佐之上行頭目下行血海治一切風
一切氣一切血肝經之風能散目淚多涕能除破結
宜滯有神功血閉調經爲要藥 按川芎性走竄而
無凝滯能助血流行血中氣藥也痘疹家不起發者
往往用之然亦不敢多用爲其上升也辛甘發散爲
陽故其功多于頭面寇宗奭謂多服令人暴亡以其
辛喜歸肺肺氣偏勝金來賊木肝必受侮久則傷絕

川芎肝經藥也若單服久則辛喜歸肺所以有偏絕之患若具五味君臣佐使配
合得宜寧致此哉然其性升散胡能下行血海以養
新血不知用于四物中者特取其辛溫而行血藥之
滯耳滯行而新血亦得以養非真用此辛溫走散之
劑以養下元之血也其能止頭痛者正以其有餘者
能散不足者能引清血歸肝而下行也古人所謂血
中之氣藥信哉惟其血中氣藥故癰疽藥中亦多用
之耳凡骨蒸多汗上盛下虛虛火上炎嘔吐欬嗽及
氣弱之人俱不可服能令真氣走洩而陰愈虧也若

血痢已通而痛不止者乃陰虧氣鬱少加為佐氣行
 血調其痛立止若中焦有鬱以撫芎開提其氣而升
 之氣升而鬱自降矣凡頭痛者必須用此痛不愈各
 加引經藥太陽羌活陽明白芷少陽柴胡太陰蒼朮
 厥陰吳茱萸少陰細辛同麥麴則治濕禦瀉其應如
 神小者名撫芎專解諸鬱直達三焦為通陰陽氣血
 之使 產川蜀者佳形塊重實裏色白不油嚼之微
 辛甘者佳出撫郡屬江名撫芎塊小惟開鬱耳餘產
 不堪入藥僅可煮湯浴身白芷為之使畏黃連

蛇牀子 四九 苦平甘辛小毒陰中之陽入足太陰少

陰經 立齋云又入手太陰 溫腎助陽益陰熱臟祛風濕癢痺消

陰腫惡瘡暖婦人子宮浴男子陰痿利關節治腰膝

酸疼益陽氣歛陰汗濕癬却顛癩掃瘡瘍大風身癢

難當作湯洗愈產後陰脫不起絹袋熨收 按蛇牀

子乃右腎命門少陽三焦氣分之藥能去足太陰之

濕能補足少陰之虛大補元陽人多忽之寧知至賤

之中乃伏殊常之品耶不獨于男子有功而又有益

于婦人世人捨此而求補藥于遠域豈非賤目貴耳

本草綱目 卷一 草部 蛇牀子 七



乎。腎火易動。下部有熱者。勿服。產揚州襄州者良。去殼取仁。以生地黃汁拌蒸。黑色微炒。殺毒不辣。日乾用。惡丹皮貝母巴豆伏硫黃。

藁本

五十

苦辛。微溫。氣厚味薄。升也。陽也。足太陽本

經藥。大寒氣客于巨陽之經。苦頭痛流于顛頂之上。

辟霧露之濛鬱。發風邪之飄颻。

辛溫芬芳開發升散之力也。

本經

治婦人疝瘕陰中寒腫痛腹中急。皆太陽經寒客邪為病也。時珍治癰疽排膿血者。蓋癰瘡皆血熱壅滯。毒氣侵淫。用辛散苦洩。則毒解滯消矣。按藁本感

天地之陽氣。獨入太陽。理風寒。其氣雄壯。寒氣鬱于本經。頭痛必用之藥。顛頂痛非此不能除。又治頭面及遍身皮膚風濕癢癢。與木香同用。治霧露之清邪。中于上焦。與白芷同作面脂。既能治風。又能治濕。蓋各從其類也。見聞錄云。有病泄作虛治不効者。霍翁曰。此風客于胃也。飲以藁本湯而止。蓋藁本能治風濕故耳。若溫病頭痛骨疼。內熱口渴及傷寒發于春夏。陽證頭痛。產後血虛。不宜進也。產河東及杭郡惡藺茹。畏青箱子。

本草綱目 卷一
白芷 五 一味辛氣溫氣味俱輕陽也升也手陽明引
經本藥亦入足陽明手太陰經其味辛故入肺解手陽明頭
痛主手太陰風熱治皮膚風痺燥癢療齒痛眉稜骨
疼排膿長肌消毒有靈癩疵作脂能去目淚風癢
醫按白芷療風通用其氣芳香能通九竅表汗不
可缺也又能活血勝濕色白味辛行手陽明庚金性
溫氣厚行足陽明戊土芳香上達入手太陰肺經肺
者庚之弟戊之子也故所至不離三經如頭日眉齒
諸病三經之風熱也漏帶癰疽諸病三經之濕熱也

風熱者辛以散之濕熱者溫以除之為正陽明主藥
故又能治血病胎病而排膿生肌止痛也熱厥頭痛
加而用之戴元禮云頭痛挾熱頂生磊塊者服之甚宜然燥能耗血散能
損氣有陰虛火熾及漏下赤白血熱所致者並禁用
癰疽已潰宜漸減去刮去皮蒸晒微焙當歸為之
使惡旋覆花

白芍藥 五 苦酸微寒氣厚味薄升而微降陽中陰

也呆日可升可降陰也好古曰氣薄味厚陰也降也為手足太陰行經藥又

入肝脾血分收陰氣而補血治血虛腹痛之功扶陽

本草綱目 卷一 草部 白芷 白芍藥 七 海龍與



氣而健脾治脾虛下痢之効收肺氣而斂汗抑肝邪
 而緩中制肝補脾脾經之所以陡健也瀉脾火通血
損其肝者緩其中即調血也閉補勞退熱明目安胎別錄言去水氣利膀胱者土
 虛則水不受制而泛濫脾實則水氣自去土堅水清
 而膀胱利矣又治腹痛者中焦不治則惡氣乘虛而
 客補脾則邪不留而中自和矣又治腰痛者皆由脾
 氣虛弱濕氣下流而客腎故也補則脾氣運行痛豈
 有不愈乎日華王女人胎產一切諸病者蓋女人以
 血為主也經云脾統血則胎產前後無非血分所關

酸寒能涼血補血故可治胎產諸病又治風除熱益
 血者土實則金肅而木氣自斂其効當如是也元素
 安脾肺者酸寒之物最能瀉肝肝平則脾不為賊邪
 所干脾健則母能令子實而脾肺自安脾虛則中氣
 下陷而成瀉痢東垣以中焦用白芍則脾氣升陽又
 使肝膽之邪不敢犯則瀉痢可平矣好古言心下痞
 脇下痛善噫者亦皆脾病也脾虛則中滿實則滿自
 消脾健則不噫治中則心下不痞瀉肝而脇亦理矣
 肝家無火則肝血自足故寒熱腹痛兩腰溶溶如坐



水中者皆血虛陰不足之候也。肝脾和陰血旺則前
 証瘳矣。按白芍藥收補益脾。白者色應西方能收能補能于土
 中瀉木。斂津液而益榮血。收陰氣而瀉邪熱。肺燥氣
 熱者以酸收斂其逆氣。甘酸相合故補陰血通氣而除肺燥然止能治
 血虛腹痛。餘腹痛皆不可治。以諸病喜辛散。芍藥酸
 收無溫散之功也。其性雖寒。究未若苓連梔柏之甚。
 而寇氏云。減芍藥以避中寒。則氣虛寒人當詳審而
 用矣。丹溪言。新產後勿用者。蓋產後肝血已虛。不可
 更瀉。豈可令生生之氣而為酸寒所伐乎。必不得已。

酒炒用之可耳。

或用肉桂浸酒拌炒亦可。

嗟嗟藥之微寒如芍藥。

古人猶諄諄告戒。况大苦大寒之劑。其可肆行而莫
 之忌耶。酒浸炒與白朮同用。則能補脾。與川芎同用。
 則能瀉肝。與人參同用。則補氣。同姜棗溫經散濕。同
 黃連止瀉痢。下痢腹痛必炒用。由腸胃濕熱。用此收
 斂之劑。則腸胃得正。而邪毒不能作孽矣。後重者生
 用。夏月腹痛少加黃芩。惡熱而痛加黃柏。惡寒腹痛
 加肉桂。經云。減芍藥以避中寒。則可微矣。炙甘草。此仲景神品藥也。
 如中寒腹痛作泄。胃中覺冷等症。俱忌。市皆水紅。



種非真白芍也。揀白者刮去皮。蜜水拌蒸。避其寒。酒炒入血藥。醋炒血虛者煨用。雷丸為之使。惡石斛。芒硝畏。鼈甲小蘗反。藜蘆。

赤芍藥 五三 氣味行經同于白芍。散滯血。瀉血中之

熱。火下結氣。利小便之淋。癰本經治血痺。破堅積者。血瘀則氣血凝滯。而發寒熱。行血則寒熱自止。又治血痺。痼疾。蓋血痺。痼疾。皆血凝而成。破其凝滯之血。則脾和而痼消。又消癰腫者。榮氣不和。則結為癰腫。涼血行血而腫消矣。日華治目赤。腸風下血者。肝開

竅于目也。肝熱則目赤。酸寒則肝自涼。濕熱傷血。則為腸風下血。血涼而目赤。腸風皆愈。按赤芍藥收斂下降。專入肝家。血分能行血中之滯。瀉肝家之火。邪其功長于利小便。破血下氣。若白者。止能除肝經邪耳。故暴赤眼者。或洗或服。皆當用赤芍。若血虛病及泄瀉。產後惡露已行。少腹痛已止。癰疽已潰。並不宜服。

牡丹皮 五四 苦辛微寒。陰中微陽。可升可降。入手厥

陰足少陰經。涼血熱。止上逆之吐衄。瀉陰火。治無汗



之骨蒸。地骨皮治有汗骨蒸。牡丹皮治無汗骨蒸。養真血而去壞血。固真

氣而行結氣。婦人經脈不通。男子氣脹偏墜。和血生

血。涼血。治血。除肝腎虛熱。療風痺腰痛。本經治中風

瘕癥驚癇者。皆陰虛內熱。榮血不足之故也。熱去則

血涼。涼則新血生。陰氣復。由是火不炎而無因。熱生

風之證矣。按丹皮清東方相火。是其本功。北方龍

火因而下伏。此乙癸同源之義也。又能瀉陰胞中之

火。丹係赤色象離。故能瀉陰中之火。四物湯加之。治婦人骨蒸。又曰

丹皮入手厥陰。足少陰。故治無汗之骨蒸。地骨皮入

足少陰。手少陽。故治有汗之骨蒸。神不足者。手少陰

志不足者。足少陰。故仲景腎氣丸用之。治神志不足

也。然究竟是入心經主藥。心主血。涼血則心不熱。而

陰氣得寧。用之腎經藥中者。陰陽之精互藏其宅。神

志水火藏于心腎。即身中坎離也。交則陰陽和。而百

病不生。不交則陰陽否。而精神離矣。欲求弗天。其可

得乎。血分伏火。非此不除。益伏火。即陰火也。陰火即

相火也。古人以此治相火。故六味丸中用之。後人知

黃柏治相火。不知丹皮之功更勝也。凡婦人血崩。經

本草匯

卷十

草部 牡丹皮

七

海花

行過期不淨禁用。生漢中巴郡赤者利血白者補人。酒洗微焙。忌胡蒜。畏貝母。兔絲子。大黃。

木香 即青木香。後人因呼馬兜鈴根為青木香。乃呼此為南木香。廣木香以別之。五六味苦。

辛溫。氣熱。氣味俱厚。沉而降。陰也。好古曰。味厚。于人氣陰中陽也。

手足太陰足厥陰經氣。劣氣不足。能調氣。脹氣窒塞。

能通和胃氣。如神。行肝氣最捷。散滯氣于肺上膈。破

結氣于中下焦。順氣調中。逐寒散鬱。木香之力也。然但可切滯氣之標。不能制正氣之本。

毆九種心疼。逐積年冷氣。止霍亂吐瀉。嘔逆反胃。除

痞癥。癥塊。臍腹脹疼。安胎。健脾。誅癰。散毒。和黃連治

暴痢。用火煨。實大腸。破氣。使檳榔和胃。佐姜桂。辟瘟

疫邪。禦霧露瘴化。腋臭。燥陰濕。青木香。以好醋浸。夾于腋下。陰下。為木香。

之。按木香乃三焦氣分第一藥也。肺實主氣。肺氣

調。雖能調氣。多用能瀉肺氣。不宜久服。則金能制木而肝平。怒則肝氣


逆上。忤其元氣。心有縱肝之情。而不能制。則肝盛。得

木香則心氣疏暢。而肝氣之拂逆者。自是其無矣。

實心之行。夫肝氣非肝氣之自行也。胸腹間滯塞冷

氣。及經絡中氣滯痰結。必須用之。若得橘皮肉。菴生

姜。相佐使其効尤速。時珍云。諸氣憤鬱。皆屬于肺。故



上焦氣滯用之乃金鬱則瀉之也中氣不運皆屬于脾故中焦氣滯宜之脾胃喜芳香也大腸氣滯則後重膀胱氣不化則癰閉肝氣鬱則為痛故下焦氣滯宜之乃塞者通之也氣味純陽故能辟邪止痛所以吐瀉停食脾疾也土喜溫燥得之即効氣鬱氣逆肝疾也木喜疏通得之即平胎前須順氣故能安胎也若治中下二焦氣結滯及不轉運須用檳榔為使因其香燥而偏于陽故肺虛有熱血枯而燥元氣虛脫及陰虛內熱諸病有熱心痛陰火衝上者則反助火

邪皆當禁用不得已用黃柏知母少佐木香 出自外番來從閩廣形如枯骨味苦粘牙者良凡入理氣藥只生用之若欲止瀉須以麩裹煨熟用

高良薑 五七 辛苦大熱純陽浮也入足太陰陽明經

溫胃去積善醫心腹寒痛除邪下氣能消障癰宿食治忽然惡心嘔清水療下部脚氣併冷逆 按高良薑辛溫大熱最能解散脾胃風寒停冷古方多用以治心脾疼痛噫逆胃寒者取其下氣止痛有神耳若病因寒而胃脘滯痛用良姜酒洗七次焙研二錢香

本草匯 卷一 草部 高良薑 三 海花



附子醋洗七次焙末一錢因怒者用附末二錢姜末一錢寒怒兼有各一錢半以米飲加入生姜汁一匙鹽一捻服之立止凡男女心口一照痛者乃胃脘有滯或有虫也多因怒及受寒而起遂致終身俗言心氣痛者非也用此法治之然止治客寒犯胃及傷生冷可用若肺胃有熱心虛作痛傷暑注瀉火症燥結皆宜忌之脾胃火不足者少用以消陰翳虛人須與參朮同行若單用多用犯冲和之氣矣東壁土炒用紅豆蔻即高良姜子五八味苦辛溫陽也浮也入手足太陰經腸虛水瀉痛心腹霍亂嘔酸醒酒毒噎膈反胃散

寒邪史辨瘴霧忌多服按紅豆蔻辛熱芳香最能醒脾溫肺散寒燥濕故東垣常用之脾胃藥中然多食令人舌粗不思飲食生生編云善能動火傷目致衄食料中亦不宜用若脾肺素有伏火者切不可用也炒過入藥

草豆蔻五九味潛辛熱陽也浮也入足太陰陽明經散寒止心腹之痛下氣驅逆滿之病開胃而理霍亂吐瀉攻堅而被噎膈寒瘧開鬱燥濕消酒除脹別錄主治口臭氣者脾病也脾開竅于口脾家有積滯則

本草匯 卷一 草部 紅豆蔻 草豆蔻 三 每克與



本真... 三... 林石...
疾而為熱故發口臭醒脾導滯則愈矣開寶治霍亂者皆因寒客中焦飲食不消氣因閉滯也用此以驅寒破滯則愈矣按草豆蔻辛烈微香善調散冷氣消膈上痰若明知身受寒邪口食冷物胃脘作痛方可溫散用之如鼓應桴或濕痰鬱結成病者亦可有效蓋南地卑下山嵐烟瘴飲啖酸醜脾胃常多寒濕鬱滯之病故用之相宜若過多亦能助脾熱傷肺損且或云與知母同用治瘴癘寒熱取其一陰一陽無偏勝之害蓋豆蔻治太陰獨勝之寒知母治陽明獨

勝之火也辛燥犯血不足者忌之生嶺南麵暴煨去皮用味近苦而甘市家鮮有真者治病安獲奇功

白豆蔻六十味辛大熱味薄氣厚輕清而升陽也浮

也入手太陰經散胸中冷滯益膈上元陽溫胃冷惡

心退膜雲翳障止翻胃嘔胃冷喫食即欲吐消食積

膨白入肺自有清高之氣若草豆蔻則專入脾胃而其氣味又燥烈于白者虛弱人正宜用白為良

按白豆蔻感秋燥之令得地之火金寬中去滯流

行膈鬱通轉營衛為氣方標藥也本草主冷逆下氣

本草匯 卷一 草部 白豆蔻 三 每克與

亦賴其辛溫逐寒之力。若其去白睛翳膜，乃肺氣虛寒故耳。如紅膜不宜用矣。楊士瀛主脾虛瘡疾，嘔吐寒熱能消，能磨能行三焦營衛一轉，諸症自平。至于熱則消肌肉，寒則衰飲食之病，以奏功。又非止爲氣方標藥所司也。大抵胃冷宜服，火升作嘔，因熱腹痛，皆不可服。其用有五：一專入肺經，一散胸中滯氣，一去太陽經日內大，去太陽經日內大，皆紅筋，川少許。得人參生薑橘皮藿香治胃虛反胃，因寒嘔吐，得半夏橘紅生薑白朮茯苓治寒痰停胃作嘔。生廣中，去皮研細，不見火，乘沸點服。

砂仁

卽縮砂薜
六一

味辛，氣溫，陽也。浮也。入手足太陰陽

明太陽足少陰七經。消宿食，快脾胃之滯氣，療虛寒

散膈噎之痞脹，醒脾補肺，養胃益肝，下氣安胎，止瀉

和中化酒逐痰

痰氣膈脹，砂仁搗碎，以蘿蔔汁浸焙湯服。

本草治虛勞冷

瀉脾腎不足也。宿食不消，脾胃俱虛也。赤白帶下，胃

與大腸因虛而濕熱，與積滯客之所成也。辛以潤腎

故使氣下行，溫則脾腎之氣皆和，而諸症自愈。氣下

則氣得歸元，故腹中虛痛亦已。楊氏用以止痛安胎

氣結則作痛，氣逆則胎不安。用此以導之耳。日華子

用以治轉筋霍亂者皆由脾胃為邪所干胃氣壅滯閉塞而成也。按縮砂屬土而能行散性溫而不傷于熱行氣而不傷于尅醒脾調胃引諸藥歸宿丹田香而能竄和合五藏冲和之正品太陰之要劑也故補腎藥中同地黄九蒸取其下達之旨也若腎虛氣不歸元非此向導不濟。縮砂勝于桂附熱毒之害多矣同熟地茯苓能納氣歸腎同檀香白朮能下氣安肺得白朮陳皮人參益智能和氣益脾。白黃檗茯苓為使入腎得赤白石脂為使入大小腸性燥凡屬火病者忌之本

非肺經藥乃有用之于欬逆者通指寒邪鬱肺氣不得舒以致欬逆之証若欬嗽多緣肺熱此藥即不可投矣胎婦氣虛不可多服反致難產不可不知。產嶺南先和皮慢火炒熟去殼研用。


益智 六二 味辛氣溫可升可降陽也入手足少陰足

太陰經安心神止嘔噦調諸氣于三焦固遺精縮小便。夜多便者取二十四枚搗碎入鹽煎服奇驗療虛寒于水脹開散鬱氣

善止吞酸。按益智專功補火能使鬱結宣通行陽

退陰通心脾子母藏之藥也三焦命門氣弱者宜之。


本草匯 卷一 草部 益智 三十一 每克與



主君相二火不足。溫脾腎虛寒。又辛入肺而調氣。有子母相關之義。脾者肺之母也。脾胃之寒邪去而肺氣自調。肺氣調而滋水之化元。腎氣自益矣。楊士瀛云。心者脾之母。進食不止于和脾。火能生土。當使心藥入脾。藥中庶幾相得。古人進食多用益智為其土中益火也。諸辛香劑多耗神氣。惟此能益氣安神。然亦不可多服。與諸香藥同用。則入肺與滋補藥。則入腎。與補氣藥。則入脾。如血燥多火。及因熱而遺濁。脾家有濕熱痰火。心經與三焦火動者。俱禁服。治虛寒之症。當于補藥內兼用之。勿多服。如小便頻數。脾氣不足。


也。鹽水炒過。同烏藥等分。酒煮山藥糊丸。空心鹽湯下。名縮泉丸。奇效。產嶺南州郡。去殼鹽水炒。研用。葶芩六三味辛。氣熱。陽也。浮也。入手足陽明經。消宿食而下氣。今併臟腑之虛冷。理腸鳴與陰疝。今化痰癖而如神。止嘔逆而醋心。今偕瘴氣之成塊。殺腥穢而治痢。今療鼻淵與牙疼。按葶芩。大辛熱而耗散之劑也。最能動脾肺之火。惟胃冷嘔吐者宜之。亦宜于頭痛鼻淵牙痛。取其辛熱入陽明。能散浮熱也。其性急甚于胡椒。今人以調食味。不知多服。則真氣走

本草匯 卷一 草部 葶芩 海花真



泄令人腸虛下重。產嶺南竹林內。去挺用頭。以醋浸一宿。焙乾。刮去皮。粟子令淨。免傷肺。令人上氣。
 肉豆蔻 即肉果 六四 苦辛。氣溫。入手足陽明。足太陰經。煖脾胃。固大腸。消宿食。止吐逆。治脾胃虛瀉。冷痢。消痰飲。嘔沫。冷積。開寶治霍亂。腹脹。冷氣。食不消者。皆脾胃之陽氣不能運也。脾主中焦。胃為後天生氣之本。脾胃之陽氣旺。則諸症自平。按肉豆蔻屬金與土。土性喜煖。愛香。故肉果與脾胃最為相宜。日華稱其下氣者。以脾得補而善運化。氣自下也。非若厚朴枳

實之偏于峻削耳。多服則泄氣。為脾胃虛冷瀉痢。小兒傷乳泄瀉不愈之要藥。但未去之積。不可以此先瀉。若冷痢腹痛不能食者。用此最宜。君人參補骨脂。吳茱萸。五味子。砂仁。為治腎泄。及冷泄之藥。得縮砂。橘皮。人參。紅麴。山查。霍香。麥芽。為開胃進食。消宿食。止瀉痢之上劑。若病人有火。瀉痢初起。及中暑熱瀉。腸風下血。濕熱積滯。方盛皆不可服。生嶺南形類。彈丸。油色肥實者佳。以糯米粉裹于塘火中煨熟。去粉用。勿犯鐵器。



補骨脂

即破故紙 六五

苦辛大溫陰中之陽可升可降入

足少陰經虛弱腰疼之所宜遺脫精寒之能固壯陽

事而墮胎氣治腎漏之如刺

玉莖不痿精滑無歇時 時如鍼刺捏之則脆此

各腎漏故紙 各一兩 為末每用三錢水煎服

煖丹田而祛膝寒逐囊濕

與頑痺開竅治五勞七傷者蓋緣勞傷之病多起于

脾腎兩虛以其能煖水臟補火以生土則腎中真陽

之氣得補而上升則能熟腐水穀蒸糟粕而化精微

脾氣散精上歸於肺以榮養乎五臟矣又治風虛冷

者因陽氣衰敗則風冷乘虛而客之以致骨髓傷敗

腎冷精流腎主骨而藏精髓乃精之本真陽之氣不

固即前証見矣固其本而陽氣生則前証自去按

補骨脂煖補水藏壯火益土之要藥也其性屬火今

人多以胡桃合服收斂神明能使心包之火與命門

之火相通故元陽堅固骨髓充實胡桃屬木調燥養

血血屬陰而惡燥故油以潤之以是佐破故紙有木

火相生之妙焉故語云破故紙無胡桃猶水母之無

鯢也本事方云腎氣虛弱則陽氣衰劣不能薰蒸脾

胃令人痞滿少食譬如釜中無火雖終日不熟何能



消化補骨補火固能生土更加木香以順氣使之幹
 旋倉廩倉廩空虛則受物矣此即補脾不如補腎之謂也宜丸不
 宜煎但性過于燥凡陰虛有熱大便閉結陽道妄舉
 夢遺便短易饑嘈雜骨乏無力者皆不宜服若腎氣
 不固三因方用故紙青鹽等分同炒末每服米飲二
 錢若小便無度腎氣虛寒普濟方用破故紙十兩酒
 蒸茴香十兩鹽炒為末酒糊丸鹽酒下或以末摻猪
 腎中煨食亦妙若下元虛敗脚手沉重夜多盜汗以
 補骨脂四兩炒兔絲子四兩酒蒸胡桃去皮一兩沉

香研細一錢五分蜜丸空心鹽湯溫酒任下自夏至
 起冬至止諸如腎虛腰痛陽氣衰絕脾腎冷瀉等症
 俱相宜也 產廣西諸州性燥須用鹽酒浸一宿蒸
 過曬乾炒用惡甘草忌芸薑及諸血得胡桃胡麻良
 薑黃六六味苦辛溫陽中之陰可升可降入足厥陰
 太陰經散結氣療心腹之脹滿破瘀血通女子之月
 經除癥瘕消血塊化積膨治臂痛烈過鬱金下氣最
 捷 按薑黃得火氣多金氣少辛散苦洩故專功于
 破血下氣其旁及者耳鬱金入心治血姜黃兼入脾兼治氣為不同別有

本草綱目 卷十 草部 薑黃 每七與



一種片子姜黃能入手臂治痛其兼理血中之氣可知方書用以同肉桂枳殼治右脇臂痛有效凡病屬血虛者切勿誤用誤用則愈傷血分慎之 多生江廣江西湖廣亦產蜀川色比鬱金甚黃形較鬱金稍大兩藥實不同種鬱金味苦寒色赤類蟬肚圓尖姜黃味辛溫色黃似乾姜圓大今市家取以欺人謂大者為姜黃小者為鬱金此但可與不知者道耳

鬱金 六七 辛苦氣寒氣味俱厚純陰入手少陰太陰足厥陰陽明經涼心經而下氣消陽毒以生肌治產

後敗血衝心療氣壅血積結聚痰血絡聚心竅鬱金入心及包絡治血病故能去惡 膈下急痛必需嶺南有挑血若明礬則化頑痰耳 急以米湯調服二錢瀉出或合升麻鬱金服之不吐

唐本言其善降逆氣也 按鬱金稟清涼之氣而兼得上中金火之味能開肺金之鬱故名鬱金本入血分之氣藥其治吐血者為血之上升皆屬火炎此能降氣氣降即火降而性又入血故能導血歸經也言其性輕揚上行而治血清血恐非 凡病屬陰虛火炎薄血妄行溢出血

本草綱目 卷一 草部 鬱金 三 海老



上竅而非氣分拂逆肺肝逆氣不可輕投也蒙荃云此藥中

必用尚須刻難求以山茶花根代亦可鬱金香是用花此

是用根色外黃內赤在蜀地者為最物罕值高肆中

多以姜黃偽充體圓有橫紋如蟬腹狀圓尖而光明

脆微苦中帶甘味者乃真

蓬莪朮六入苦辛氣溫陽中之陰降也入足厥陰氣

分又入手足太陰足陽明經消心腹之聚假破諸氣

之固結既為治氣之需又破氣中之血入足陽明經與三稜功用

大率相同但破血中氣氣中血為少異耳小腸疝氣非時痛結積奔豚撲

損宜通月經治瘀血疏痰食療喘急開竅治中惡鬼

症者由氣不調和臟腑壅滯陰陽乖隔則疫癘鬼氣

得以憑之也莪朮氣烈能利氣通竅竅利則邪氣無

所容而散矣按莪朮感夏末秋初之氣而得上金

之味能破氣中之血其性峻猛誠為磨積之要藥但

虛人得之積不去而真已竭重可虞也或與健脾補

元之藥同行乃無損耳李時珍云鬱金入心專刺血

病姜黃入脾兼治血中之氣蓬莪朮入肝治氣中之血

稍為不同若氣血兩虛脾胃素弱而無積滯者不可

本草綱目 卷之十八 草部 蓬莪朮 每七與



用也。本草謂氣短亦宜用之。恐非。產廣南江浙亦有極堅難擣。

須熱灰火中煨令透乘熱擣之即碎如粉得酒醋良。

或以醋磨盡火乾用亦可。若欲先入血則醋炒欲先

入氣則火炮用之。

荆三稜六九味苦氣溫陰中之陽可升可降入足厥

陰經消堅固之癥積破瘀血之結滯既為治血之需

又破血中滯氣肝經積血賴以通胎孕痞塊得而利

按三稜為血中氣藥雖云入肝經血分然脾裹血

肺主氣宜並入焉蓋血隨氣行氣聚則血不流故生

癥癖之患非此不治第其斬關之勢能洩真氣真氣

虛者勿用此見諦之言也故凡用以消導必資人參

芍藥地黃之力而後可以無弊蓋積聚癥癖必由元

氣不足不能運化流行致之欲其消也必藉脾胃氣

旺方能漸漸銷磨開散以收平復之功如專用一味

克削則脾胃之氣愈弱後天之氣益虧矣所以東垣

五積方中皆有人參意可知已。生荆襄破澤黃白

體重者佳麵包火炮加醋浸復炒用或者煮熟焙乾亦

良。



本草綱目 卷十一 香附

莎草根 即香附子 甘苦辛瀉微寒氣厚于味陽中之

陰降也足厥陰手少陽主藥亦入手太陰經散時氣

寒疫解憂愁不樂利三焦開六鬱治痞滿理崩帶發

表快氣月候調勻停痰宿飲堪毆頭風脇脹疏利交

感丹治心腎隔絕同伏神為丸下 香附一個伏神一

品丸療氣熱上攻取香附研末吞最能行血止痛端

衰氣盛積壅 香附之氣平而不寒香而能竄其味多

二經氣 按香附稟天地溫燥之氣入人身金木之

宮入血分而行滯血入氣分而行滯氣因有行滯之

能故為開鬱之劑乃血中之氣藥也能引血藥至氣

分而生血故為婦人之仙藥蓋婦人心性偏執每多

鬱滯所謂多氣少血者此也惟此藥為能疏氣散鬱

氣疏鬱散則新血自生而百體和矣 要之治標則得

本草不言治崩漏而後人多以治崩漏者蓋非血虛

崩漏所宜亦以氣鬱血瘀淋瀝不止者此能疏之瘀

血去而新血自生此所謂益氣而止血也又能逐去

凝血是推陳也與巴豆止泄瀉通大便同意時珍曰

生則上行胸膈外達皮膚熟則下走肝腎外徹腰足

本草綱目 卷十一 草部 香附



本草綱目 卷一
炒黑則止血得便浸炒則入血分而補虛鹽水浸炒
則入血分而潤燥青鹽炒則補腎氣酒浸炒則行經
絡醋浸炒則消積聚姜汁炒則化痰飲得參朮則補
氣得歸地則補血得木香則疏滯和中得檀香則理
氣醒脾得沉香則升降諸氣得川芎蒼朮則總解諸
鬱得梔子黃連則能降火熱得伏神則交濟心腎得
茴香破故紙則引氣歸元得三稜蓬蘽則消磨積塊
得厚朴半夏則決壅消脹得紫蘇葱白則解散邪氣
得艾葉則煖子宮乃氣病之總司而俗有耗氣之說

宜于女人而不宜于男子者非也韓飛霞云女人以
血用事氣行則無疾老人精血枯閉惟氣是資耳大
凡病則氣滯故香附于氣分爲君臣以參芪佐以甘
草治虛怯甚速也獨用久用血爲耗耳女人月事先
期者血熱也法當涼血禁用此藥火燥少血之人併
新產耗氣之婦亦所禁服屬廣產高州者獨勝狀
如棗核周匝有毛曝乾火去毛忌犯鐵器入陰分童
便製炒入血分調血氣併收斂醋煮炒發散酒炒懼
燥蜜水炒得童便醋煮蒼朮良

本草匯編 卷一
藿香 七一 甘辛微溫味薄氣厚可升可降陽也入手
足太陰經開胃口能進飲食止霍亂行氣除嘔治肺
虛有寒主暑月吐瀉別錄治風水毒腫病在于脾惡
氣內侵亦由脾虛故邪得而侵入又治霍亂心腹痛
者皆中焦不治之證脾主中焦香氣先入脾理脾開
胃正氣通暢矣蘇頌以脾胃吐逆爲要藥海藏謂其
溫中快氣肺虛有寒及寒鬱熱壅于上煎湯飲之皆
辛溫入肺入脾清上治中之功也按藿香稟清和
芳烈之氣爲脾肺達氣要藥入脾而助脾故能止嘔

進食楞嚴經謂之兜婁婆香取其芳氣今市中售者
不甚芳香或非真種入順氣烏藥散則補肺入黃芪
四君子則補脾入桂苓甘露飲治中暑吐瀉得人參
橘皮木瓜茯苓縮砂治吐瀉轉筋霍亂得木香丁香
蘇葉人參生姜治中寒吐逆不止然雖能止嘔治吐
若病因陰火虛旺胃弱欲嘔及胃熱作嘔中焦火盛
邪實作脹法並禁用

蘭葉

七十二

辛平甘寒陰中之陽入手太陰足陽明經

亦入足太陰厥陰經生津止渴開胃解鬱潤肌肉治

消渴調月經養管氣本經主利水道蘭草走氣道故能利水消渴
 除胸中痰癖殺蠱毒不祥之氣者蓋肺主氣肺氣鬱
 結則上竅閉而下竅不通胃主納水穀胃氣鬱滯則
 水穀不以時化而為痰癖蠱毒不祥之氣辛平能散
 結滯芬芳能除穢惡則上證自除按蘭葉稟金水
 清芬之氣而似有火獨走氣道入西方以清辛金不
 獨開胃清肺消痰善能散積久陳鬱之結氣令人但
 賞花香不知用葉亦缺典耳况藥味載內經甚少而
 蘭獨擅名所謂治之以蘭除陳氣是也故東垣方中

每常用之與藿香枇杷葉石斛竹茹橘紅開胃氣之
 神品入沉香鬱金白蔻蘇子蘆根汁下氣開鬱治噎
 膈之將成者產閩中者力勝江浙諸種

澤蘭七三味甘苦辛微溫陰中之陽可升可降足太

陰厥陰經藥也理胎產百病淹纏消身面四肢浮腫
 破宿血去癥瘕殊功行瘀血療撲損易効散血瀝腰
 痛療目痛頭風按澤蘭感土澤之氣獨入血海攻
 擊稽留其主水腫者乃化血為水之水非脾虛停濕
 之水也澤蘭走血分故能治水腫破瘀血行而帶補氣味和平可無

本草匯編 卷一
偏勝之患。氣香而溫。味辛而散。故走入肝脾。脾喜芳
香。脾氣舒。則三焦通利。而正氣和。肝宜辛散。肝鬱散
則營衛流行。而病邪解。為女科之上劑也。凡產後陰
戶燥熱。遂成翻花。用澤蘭四兩。煎湯薰洗二三次。再
入枯礬煎洗即安。凡用須別雌雄。莖葉皆圓。根青
黃者。能生血調氣。葉上有斑。根頭尖者。能破血通久
積。防已為之使。

馬蘭七四 味辛。氣平。入陽明。血分。破宿血。養新血。斷
血痢。解酒疸。療諸因蠱毒。治絞腸沙痛。除水腫。尿澀。

消痔瘡丹毒。

治痔用馬蘭根。搗傅片時。看肉平即去。稍遲恐肉反出也。

按馬蘭

為治血分之藥。與澤蘭同功。近人用治痔漏。云有效。

或生或乾。不用鹽醋。白水煮食。并飲其汁。或以酒煮。

焙研糊丸。米飲日服。仍用水煎。入鹽少許。日薰洗之。

香薷

七五

味辛。微溫。可升可降。陽也。入手太陰少陰。

足陽明太陰經。發散夏月。淒涼寒邪。通利傷暑。小便
澀難。散水腫。有徹上徹下之功。去口臭。有撥濁回清
之妙。解熱除煩。調中溫胃。別錄主霍亂腹痛。轉筋吐
下者。多由暑月過食生冷。外邪與內傷相併而作也。

辛溫則能通氣和中解表而自愈矣。按香薷屬金
與水最能發散暑邪有微上微下之功。又治水甚捷
肺得之清化行而熱自降。乃夏月解表之劑。無表邪
者不可用也。如冬月之用麻黃惟暑傷元氣者可用世醫治暑病每以
爲首。不知乘涼飲冷。暑有乘涼飲冷之辨致陽氣爲陰邪所遏
以致頭疼發熱惡寒煩燥口渴吐瀉霍亂宜用以發
越陽氣散水和脾則愈。若勞役作喪之人傷暑受熱
必用東垣清暑益氣湯。人參白虎湯之類。以瀉火益
元可也。若用香薷是重虛其表而又濟之以熱矣。氣

虛者尤不可多服。其性溫須冷飲。方無拒格之患。今
人解暑每用代茶。真癡人前說夢也。外臺秘要用香薷一觔熬膏加
白木末七兩。尤如桐子大米飲送下。治通身水腫。頗著神功。忌火亦忌日。陳年
者良。

假蘇卽荆芥七六味辛苦溫。氣味俱薄。浮而升。陽也。入手

太陰。足厥陰經。散風熱。清頭目。利咽喉。消瘡腫。發表
汗。治崩暈。頭項強直。作枕。及鋪牀下。產後迷悶。半生
半炒。溺去聲服。血勞風氣壅滿。脊疼目黑皆良。本經主
寒熱者。寒熱必由邪盛而作。散邪解肌。寒熱自愈。又

本草匯 卷十八 草部 荆芥 長 海花 藥



治鼠瘻癰癧者由熱結于足少陽陽明二經火熱鬱結而成也解之散之而結自消矣 按荆芥以假蘇名者因其有紫蘇香氣之謂也性善走散故能上行頭目祛散風邪治風兼治血者為其入風木之藏即

是藏血之地也故風病血病瘡病家俱為要劑今人每遇風症槩用荆防此流氣散之相沿耳不知風在皮裏膜外者宜之非若防風入人骨也瘰癧潰爛牽至胸前四五年不能療用荆芥根下一段剪碎煎沸湯溫洗良久看破處紫黑以鍼一刺去血再洗三四

次愈用雄黃等分為末麻油掃上出水次日再洗以愈為度纏脚生瘡以荆芥燒灰葱汁調傅先以甘草湯洗之病人氣虛寒熱表虛有汗陰虛火炎面赤因而頭痛者俱禁用 荆芥穗炒黑治下焦血有功與河豚黃頰魚驢肉相反若同日食之多致喪命不可不痛戒也

薄荷

七七

味辛氣溫

元素曰 辛涼

氣味俱薄浮而升陽也

入手太陰少陰厥陰足厥陰經清利六陽之會首祛除諸熱之風邪通關節而發毒汗止痰嗽而擦舌胎

本草綱目 卷一
去心臟風熱治中風失音小兒風痰最要傷風頭痛
宜食洗風瘙癢癰疽火毒漆瘡按薄荷得火金之
味金勝火烈故辛多于苦能發散風寒風熱清理高
巔風熱上壅引諸藥入營衛又能搜肝氣及肺盛有
斯為要藥餘肩背痛及風寒汗出故小兒驚狂壯熱必須此為
道引然芳香伐氣多服久服損肺傷心病人新好勿
服恐致虛汗亡陽咳嗽若因肺虛寒客之而無熱証
陰虛人發熱者勿服以出汗則愈竭其津液也瘦弱
人久用動消渴病眼弦赤爛以生姜汁浸一宿晒乾

為末沸湯泡洗猫犬食之即時昏醉蓋亦物類相感
也莖性燥在姑蘇賢地者真龍腦薄荷以其辛涼
透頂鼻間也此收薄荷須隔夜以糞水澆之雨後乃悉刈收則性涼不爾不涼也
紫蘇七八味辛氣溫陽也可升可降入手太陽少陰
太陰足陽明經散風寒于肌表利結氣于胸腹通心
益脾胃利肺除寒中氣喘卒喘不止濃煎常飲霍亂
轉筋脹滿搗汁咀良安胎順氣解魚蟹毒按紫蘇
以辛散為功能下胸膈浮氣為裏之表藥也味辛而
入氣分色紫而入血分故同橘皮砂仁則行氣安胎

本草綱目 卷一 草部 紫蘇 每花真

同藿香烏藥則溫中止痛同香附麻黃則發汗解肌
 同芎藭當歸則和血散血同木瓜厚朴則散濕解暑
 治霍亂脚氣同桔梗枳殼則利膈寬腸同杏仁萊菔
 子則消痰定喘久服亦泄人真氣焉古人謂芎藭致
 豪貴之疾蓋指此耳世俗愛其芳香達氣或湯或散病屬
 氣虛表虛陰虛因發寒熱或惡寒及頭痛者慎毋投
 之以病宜歛宜補也火升作嘔者惟可用子不可
 同鯉魚食生毒瘡梗下諸氣略緩體稍虛者宜用薄

蘇子紫
蘇子相

蘇子

七九

味辛氣溫陽也降也下逆氣喘急有潤肺
 之能消痰氣嘔吐有利腸之妙溫中散寒止嗽消渴

按蘇子散氣甚捷最能清理上下諸氣定喘消痰

有功併能通利二便除風寒濕痺若氣虛而胸滿者

不可用也或同補劑兼施亦可腸滑氣虛者切忌方

誰不云蘇子降氣獨劉氏以為未然者為其能劫氣
 之標不能制氣之本蓋肺主氣腎納氣之藏今腎虛
 不能攝氣歸原以致呼吸急促此先天元氣受虧也
 其法當從安腎始是知蘇子但能降後天喘急逆氣
 之標炒香研用

積雪草

八十

苦辛氣寒治熱腫丹毒療大熱疽癰瘡



汁散腹內結熱。研汁點赤眼。暴痛療女子小腹疼。治小兒熱結病。按積雪草。陰草也。生于荆楚江淮間。浙間多在宮院寺廟磚砌間。葉圓似錢。引蔓博地。香如細辛。葉葉各生。不見開花。即今人所謂連錢草。是也。方藥不恒用。想以其寒涼故耳。考九仙驅紅散。治嘔吐諸血。及便血。婦人崩中。用積雪草為君。當歸梔子。蒲黃。黃連。條芩。生地。陳槐花為佐。各酒炒。上部加藕節。下部加地榆。服之神効。此又與本草主治不同。不可曉也。

本草匯卷十終

本草匯卷十一目次

草部三

- | | | | |
|-----|---------|-----|---------|
| 甘菊花 | 八一 | 艾葉 | 八二 |
| 茵陳蒿 | 八三 | 青蒿 | 八四 |
| 菴蒿子 | 八五 | 茺蔚 | 即益母草 八六 |
| 夏枯草 | 八七 | 劉寄奴 | 八八 |
| 旋覆花 | 即金沸草 八九 | 青箱子 | 即草决明 九十 |
| 雞冠花 | 九一 | 紅花 | 九二 |
| 大薊 | 九三 | 小薊 | 九四 |



本草綱目 卷一 一

續斷 九五

漏蘆 九六

葫蘆巴 九七

牛旁子 卽鼠粘子又名惡實 九八

苧根 九九

菴耳實 卽菴耳子 一〇〇

天名精 卽上牛膝 一〇一

鶴虱 一〇二

豨薟 一〇三

蘆根 一〇四

麻黃 一〇五

麻黃根節 一〇六

木賊 一〇七

燈心 一〇八

生地黄 一〇九

熟地黄 一〇十

牛膝 一〇十一

紫苑 一〇十二

麥門冬 一〇十三

萱草根 一〇十四

淡竹葉 一〇十五

冬葵子 一〇十六

款冬花 一〇十七

敗醬 一〇十八

決明子 一〇十九

地膚子 一〇二十

瞿麥 一〇廿一

葶藶子 一〇廿二

王不留行 一〇廿三

車前子 一〇廿四

連翹 卽連翹 一〇廿五

青黛 一〇廿六

蒺藜 一〇廿七

穀精草 一〇廿八

海金沙 一〇廿九

本草綱目 卷一 目次 二 海花



本草匯卷十一
二

本草匯卷十一

吳門郊西郭佩蘭章宜纂輯

男 樹畹芳谷

姪 維均梅在 叅閱

紫藤陳陸坤白筆校訂

草部三

甘菊花 八 一 苦甘微寒可升可降陰中微陽入肺心

肝脾胃大小腸散風熱上注之頭眩止兩目欲脫之

淚出除胸中煩熱毆膝風疼痛養肝血退翳膜甘者

本草匯 卷十一 草部 甘菊花 一 每花真



陰血兼補。苦者胃氣反傷。本經治風頭眩腫自脫淚
出皮膚死肌惡風濕痺者。諸風掉眩皆屬肝木。風藥
先入肝。肝開竅于目。風爲陽邪。勢必走上。血虛則熱。
熱則生風。風火相搏故也。別錄治腰痛去來陶陶縱
緩者。乃血虛氣滯之候。苦以泄滯結。甘以益血脈。又
兼辛平以散虛熱也。其除胸中煩熱者。心主血。虛則
病煩。陰虛則熱收于內。故熱在胸中。血益則陰生。陰
生則煩止。苦辛能泄熱。故煩熱並解。按菊花發生
于春。長養于夏。秀英于秋。而資味乎土。歷三時之氣

得天地之清。獨稟金精。善制風木。高巔之上。惟風可
到。故主用多在上部。昔人謂其能除風熱。益肝補陰。
蓋不知其得金水之精英尤多。能益金水二臟也。惟
其益金。故肝木得平而風自息。惟其補水。故心火有
制而熱自除。同地黃黃蘗枸杞白蒺藜五味子山萸
當歸羚羊角羊肝。治肝腎俱虛目痛。加決明子木賊
穀精柴胡。可以去外膜。同黃連玄參甘草生地荆芥
穗決明子連翹桔梗柴胡川芎羌活童便。可治風熱
目痛。與枸杞子相對蜜丸。久服。則終身無目疾。如眼

本草匯 卷一 二 林石

目昏花甘菊一斤紅椒去目六兩為末用新地黃汁和丸臨臥茶下疔腫垂死菊花一握搗汁入口即活冬月採根菊有二種紫莖葉香而味甘者陰血廉補青莖而大作蒿艾氣味苦者大傷胃氣黃者入金水陰分白者入金水陽分治頭風治頭風白者為最紅者行婦人血分苦菊但可理癰忌火去蒂漿過晒乾乘燥入磨花葉俱可作枕明目白木枸杞桑白皮為之使
艾葉入二苦辛氣溫時珍云生溫熟熱可升可降陽也元素曰陰中之入足厥陰太陰少陰經溫中氣祛寒濕除腹痛

理下痢安胎氣治崩帶辟鬼邪殺諸蟲療蠱瘡于下

部病人齒無色舌上白或喜睡不知痛痒或下痢宜急治下部不曉此者但攻其上而下部生蟲食其

肛爛見五藏便死也燒艾于管中熏下部令烟入或少加雄黃更妙散發背于初先未成

熱腫以濕紙搗上先乾處是頭著艾灸之不論壯數痛者灸至不痛不痛者灸至痛其毒即散不散亦免

內攻也真蘄艾四兩煮五六滾入鵞掌風病熏之即愈大口瓶內盛之用麻布二

層縛上將手心放上熏之冷再易神効廉瘡疥癩熏傳皆良作炷灸諸

經之穴百病藉之而即祥按艾葉生則微苦太辛

熟則微辛太苦善辟風寒濕氣及非時邪氣芳烈燥

熱純陽之劑也可以取太陽真火可以回垂絕元陽

本草匯 卷一 草部 艾葉 三 每卷



服之則走三陰而逐寒濕轉肅殺為融和煎服宜新

達灸火宜陳久氣乃下行灸之則透諸經而治百病起沉疴為康

泰其功亦甚大矣但其性辛熱有毒僅可施于暫時

耳若以溫煖作常服之反致熱火上衝狂躁不禁矣

丹溪云婦人無子多由血少不能攝精耳世謂子宮虛冷投以辛熱不知艾性入火灸則氣下行入藥則氣上行豈可以此

妄服致久毒發也如素有虛寒痼冷婦人濕鬱滯漏

之人以艾和歸附諸藥治之夫何不可老弱虛人下

元畏冷者以熟艾堯其臍腹妙不可言寒濕脚氣亦

宜以此夾入襪內大抵多功于外治之物也火眼腫

痛者以艾燒煙用盥蓋之刮煤以溫水調化洗之入

黃連更妙蕪州產者獨莖圓葉背有白芒稱為艾

之精英揀取淨葉揚去塵屑入石臼杵搗熟去渣滓

搗至如綿細軟謂之熟艾若生艾灸火則傷人肌脉

用時焙燥則灸火得力若入丸散須用醋煮乾搗成

餅子烘乾再搗為末入白茯苓三五片同碾即可作

細末或大米三五合亦好苦酒香附為之使

茵陳蒿八三味苦微寒陰中微陽入足太陽經通腰

理主黃疸佛熱于肌表利小便主傷寒結熱于腹中



因上下分消之妙。故有專治濕熱之功。按茵陳專
理溲便。本為膀胱之劑。又何以治疸。蓋疸之為病。脾
受傷也。而脾之所惡。濕乘土也。得茵陳以利水。則濕
去土安。而疸自愈。然亦須五苓之類。佐助成功。用之
者。中病即已。過用。則元氣受賊矣。第發黃有陰陽二
種。茵陳同梔子黃蘗以治陽黃。同乾薑附子以治陰
黃。總之茵陳為君。隨佐使之寒熱。而理黃症之陰陽
也。仲景茵陳梔子大黃湯治濕熱也。梔子蘗皮湯治
燥熱也。二藥俱治陽黃。李思訓用茵陳附子湯治
陰黃也。各隨寒熱佐使可耳。古方用茵陳同生薑搗爛于胸前四

肢日日擦之。則黃退矣。疥瘡煎汁洗之。立愈。

青蒿 八四 味苦。氣寒。入足少陰厥陰經。主真陰不足。

伏熱骨蒸。殺鬼疰。傳尸。久瘧。久痢。本經治疥癬。痲癢。
皆由于血熱所致。留熱在骨間者。是伏熱于陰分也。
肝胃無熱。則目明。苦能泄熱。苦能殺蟲。寒能退熱。熱
去則血分平和。陰氣日長。前證自愈。按青蒿得春
獨早。其發生在羣草之先。故治少陽厥陰血分之證。
獨著奇功。雖能治骨蒸勞熱。然性頗陰寒。胃虛者不
可投也。止宜于血虛有熱之人耳。用葉童便浸一



日夜晒乾用根莖子葉不可同使同使則翻成痼疾
伏硫黃

菴藷子 入五 苦辛微寒 別錄 味厚氣薄降也陰中微

陽入足厥陰經血分治腰脚重痛療骨節煩疼主女
人經澀不通扶男子陽痿不舉理閃挫氣痛益打撲
折傷 按菴藷子得土之烈氣而微感天之陰氣以
生行血散結之藥也然散中有補補而能行故本經
列為上品婦人月事不以時至併瘀血病見之不審
者不可輕試善辟蛇蛇着之即爛故人家多種之以

辟之也 陰乾用薏苡為之使

菴藷 節益母 草八六 甘辛微溫可升可降陰中陽也入手足

厥陰經主欲產胎滯而不行療新產血滯而不利行
血活血而不傷已產未產之良劑通為治血之需更
有調氣之義本經言其明目者蓋包絡生血肝藏血
目為肝之竅此物能治血補陰血滯病目用此益肝
行血而目明若瞳神散太血不足也豈可用哉又治
血逆者肝臟有火也肝涼則降而順矣別錄主大熱
頭痛心煩者皆血虛而熱之候也清肝散熱和血則

本草綱目 卷十一 草部 菴藷子 菴藷 六 每花



本草綱目 卷十一
頭疼心煩俱解。按茺蔚一品有活血行氣補陰之功。白花者入氣分。紫花者入血分。為調胎產諸疾之要藥。故云益母。主安胎。去死胎。行瘀血。生新血。婦人所恃者。氣血也。胎前無滯。產後無虛。以其行中有補也。故時珍常以之同四物湯。香附諸藥。治人甚効。熱血欲貫瞳人者。可與涼血藥同用。若其莖葉花根。可浴癰癤。擣傅蛇傷。益根莖花葉實。皆可同用。如治手足厥陰。血分風熱。女人經脈。則單用子。若治胎毒。瘡湯。消水行血。婦人胎產諸病。則宜並用。蓋其根莖花

葉專于行。而子則行中有補也。子微炒去殼。或蒸晒。用制硫黃。雌黃。砒石。

夏枯草

八七

苦辛。氣寒。獨入足厥陰經。破癥堅。瘦瘤。

結氣。散癰。癰鼠。瘦頭瘡。療脚腫濕痺。止目珠羞痛。

按夏枯草。稟純陽之氣。夏至後。得陰氣。即枯。故名。夏枯。大治癰癥。散結氣。有補養厥陰。血脈之功。又治目疼。以沙糖水浸一宿。取其能解內熱。緩肝火也。要全善云。此草治目珠疼。至夜則甚者。神効。或用苦寒藥。反甚者。亦神効。蓋目屬厥陰之經。夜甚。及點苦寒藥。

本草匯 卷一
反甚者夜與寒亦陰故也夏枯草其性純陽補厥陰
血脈故治此如神以陽治陰也除治前證之外並無
別用矣然久用亦防傷胃與參朮用方可久服無弊
土瓜爲之使伏汞砂

劉寄奴 八八 味苦氣溫入手少陰足太陰經下氣止
心腹急疼下血卻產後餘疾通經佐破血之方散鬱
輔辛香之劑按劉寄奴破血之仙劑也其性善走
專入血分味苦歸心而溫煖之性又與脾部相宜故
兩入蓋心主血脾裹血所以專療血證也唐本草云

多服令人利亦以其氣宜泄耳病人氣血虛脾胃弱
易作泄者勿服 莖葉花子皆可用酒蒸晒乾

旋覆花 即金沸草八九 鹹甘微溫小毒陰中之陽可升可降

入手太陰陽明足太陰厥陰經去頭目之風邪散胸
中之結氣膈上膠痰能消 使則氣堅旋覆之鹹以軟痞堅 膀胱水畜
能折消堅軟痞散濕除痺按旋覆花乃消痰導利
之劑也其功只在行水下氣通血脈耳但是走散之
品非虛衰者所宜冷利及大腸虛寒人禁用惟傷寒
汗下後心下痞堅噫氣不除者宜此方書言其能祛

本草匯 卷一 草部 劉寄奴 旋覆花 每花實



老痰結積者鹹能軟堅也葉消疔腫根治風濕去皮及蒂洗淨微焙

青箱子即草决明味苦微寒入手少陰足厥陰經去肝

臟熱毒上衝青盲翳腫除心經火邪暴發赤障昏花

堅筋骨鎮肝去風熱濕癢按青箱子苦者丙丁之

味也青者甲乙之色也故入心肝二經本經並不言

治眼而藥性論及日華子皆言之亦以苦寒之性能

清肝藏熱毒上衝耳凡使勿用思冀子并鼠細子

此二件真似青箱子只是味不同青箱花上紅下白

即野鷄冠花
純白者勝

子黑區而光粒同莧實思冀子味苦煎

之有延用時先燒鐵杵白乃擣用之陳嘉謨曰本經

草决明意謂功專治眼特假別名以美之非真為草

决明子也若以為然則原揭簡端何不直書而但曰

青箱子乎正猶沙參一名知母龍眼一名益智名同

而實異也且別條所載决明子藥粒狀稍大主治尤

優讀者弗明或偏執一不免得此失彼大幸藥味之

能矣幸而此曰草决明彼曰决明子兩名雖一上下

同學者當辨

雞冠九一味甘氣涼止腸風瀉血治赤白帶痢沙淋

白雞冠花苦壺蘆等血痛皆去脫肛白雞冠花炒棕

分燒研火酒空心服錢米飲下痔漏能除按雞冠以花狀名之也有

紅白黃三色而白者頗于血病有功故婦人有淋帶
血痛併經水不止者當以燒研服之若結陰便症用
以同椿根白皮等分爲末丸黃耆湯下妙 晒乾焙
用忌魚腥猪肉

紅花九二辛甘苦溫陰中之陽入手少陰足厥陰經
逐腹中惡血而補血虛之虛除產後敗血而止血暈
之暈從桃仁大黃而能破血于滯數實佐當歸熟地
而能補血于滯數虛少用養血多用破血能瀉能補各隨所施
開寶主產後血暈與口噤者緣惡血不下逆上衝心

入肝故神暈而昏噤使惡血下行則暈噤自止主蠱
毒者凡毒藥必傷血分此能行血血活則毒可解
按紅花活血潤燥行血之要藥也血生于心包藏于
肝屬于衝任紅花汁與之同類故能行男子血脈通
女子經水其味辛溫故少用能養血過于辛溫則血
走散故多用則行血不止同延胡當歸生地牛膝赤
芍益母川芎治經阻少腹痛產運血悶而死心頭微
熱者以紅花數斤煮湯盛三桶于窻格之下以婦寢
其上熏之可蘇 酒噴微焙



大薊 九三 苦甘氣溫 一云 入手少陰足太陰厥陰經
主吐血鼻衄療崩中血下 按大薊稟土之冲氣兼
得天之陽氣最能涼血解熱雖破血下行乃行而帶
補者也其力雄能健養下氣故腸癰腫疥俱可消融
胃弱洩泄及血虛不思飲食者皆不利也 酒洗或
童便拌微炒

小薊 九四 苦甘氣溫 一云 入手少陰足太陰厥陰經

破宿血生新血下血血崩熱淋皆治嘔血出血嘔悶
皆毆 按二薊性味主療皆同破血之外亦無他長

亦不益人但大薊兼療癰疽而小薊只可退熱不能
消腫也 製同大薊


續斷 九五 苦辛微溫入足厥陰兼入足少陰太陰二

經補勞傷續筋骨破瘀結利關節宜血氣理胎產止
腰痛消腫毒縮小便治泄精調血痢煖子宮 按續

斷活血養血兼滋陰補氣補而不滯行而不洩故外
科女科取用宏多 要之續補傷損血脈筋骨之用為專 同當歸牛膝肉

桂延胡則能行血同阿膠地黃門冬杜仲五味山萸
人參枸杞黃耆則能止血補不足與涼血補血順氣

本草綱目 卷一 草部 大薊 小薊 續斷



藥則安胎血痢以平胃散五錢入續斷一錢二分甚
効禁與苦寒藥同用 陝蜀最盛狀如雞脚者為上
節節斷皮黃皺者方真去裏硬筋酒浸焙乾草莖根
絕似續斷服之令人筋軟地黃為之使惡雷丸

漏蘆

九六

味苦鹹寒足陽明本經藥也兼入足少陽

太陽手太陰陽明經治身體風熱惡瘡去皮肌瘙癢
癰癤主乳癰發背理痔漏腸風止血排膿生肌長肉
引經脉下乳汁續筋骨療折傷止遺溺泄精除風眼
濕痺匪專煎飲亦作浴湯 按漏蘆甚益人而服食

方罕見用之古方治癰疽發背以漏蘆湯為首稱龐
安常傷寒論治癰疽及預解時行痘疹熱用漏蘆葉
若無則以山梔子代之亦取其寒能解熱蓋不知其
能入陽明之故也 產單州者屬山西為勝以生甘草
相對拌蒸晒乾用連翹為之使

胡蘆巴

九七

味苦大溫純陽之品入足少陰太陽經

治元藏虛冷療膀胱疝氣

寒濕成疝肝疾也元藏煖則筋自和而症愈此腎肝

同治乙癸同源之理也

消腹脇脹滿理脚氣寒濕益右腎煖丹

田 按胡蘆巴乃海南山中所產蘿蔔子也溫補下



元導火歸經為右腎命門補火之藥元陽不足冷氣
潛伏不能歸元者宜之奔豚偏墜以同大茴巴戟
川烏吳萸揀實去核丸服
若相火熾盛陰血虧少者禁用 淘淨以酒浸一宿
晒乾蒸熟或炒過用

牛旁子

即鼠黏子又
各惡質九八

味苦辛溫陽中之陰升也

呆曰
降也

入手太陰足陽明經散熱結而消瘡毒利咽膈而疏
風壅毆風濕癰癧盈肌除腰膝風凝不利別錄言其
主明目補中除風傷者辛能散結若能洩熱也熱結
散則臟氣清和故明目而補中風之所傷衛氣必壅

壅則發熱辛平涼解散則表氣和風無所留矣 按
牛旁子至秋而成得天地清涼之氣為散風除熱解
毒之要藥本入肺理風之劑兼利腰膝凝滯者一則
金為水母一則清肅下輸或謂其兼入腎者非其升
浮之用也然性冷而滑痘瘡家惟宜于血熱便閉之
症若氣虛色白大便自利或泄瀉者勿用癰疽已潰
非便閉勿服 凡用揀淨以酒拌蒸待有白霜以布
拭去焙乾搗粉用

芋根

九九

甘滑氣寒陽中之陰可升可降塞胎漏下



本草綱目 卷之十一
血治心膈熱渴時疫大渴狂叫非此莫却金石服多
燥熱飲下立除搗貼小兒赤遊丹毒敷調一切癰疽
發背 按苧根稟陰寒之氣除熱之功居多大能補
陰而行滯血其根善能安胎潤燥解熱也性破血將
苧皮與產婦枕之止血蓮產後腹痛以苧安腹上卽
止葉最散血瘀血在腹絞汁服通血皆化水以生豬
血試之可驗胃弱泄瀉者勿服

葉耳實

卽蒼耳子一百

味苦甘溫小毒入手太陰經治風頭

寒痛散風濕周痺涼肝熱善通頂門追風毒任在骨

髓掃疥癬細瘡遍身癢癢者立效歐腰脚膝痛四肢
攣急者殊功 按葉耳實爲祛風療濕之要藥善通
頂門連腦一切風氣填髓腰膝風毒炒香浸酒服之
甚補益也最忌猪肉若風邪犯之則遍身發出赤丹
矣犬風癘疾用此同荷葉等分爲末每服二錢溫酒
日二服乾坤生意五月五日或六月六日五更帶露
取蒼耳草搗汁熬半斤鱧魚一個剖開不去肚腸入
藥線縫以酒二盃慢火煮透令熟不過三五尾卽愈
忌鹽一百日搗汁同小便飲疔腫立去如神煎湯熏

本草綱目

卷之十一

草部

葉耳實

一

每七



痔亦妙。狂犬咬毒，急搗服。佳。炒熟，搗去刺，酒拌蒸用。忌猪馬肉米泄害人。

天名精 即土牛膝百一 味辛甘寒。小毒。下瘀血，除熱結，逐痰

涎，消癰毒。身癢癭癧，指之立已。蟲蛇螫毒，按傳為良

咽喉腫塞，連根葉而搗掃，纏喉風腫，以生蜜和丸噉

本經除小蟲者，濕熱之故也。辛能散而寒除熱濕，熱

去則小蟲除矣。按天名精，合根苗而言也。根名土

牛膝，功用相同。除熱散結，殺蟲解毒，消痔瘡之聖藥。

孫天仁集效方：凡患乳蛾喉嚨腫痛，及小兒急慢驚

風牙關緊急，不省人事者，搗根酒服，仍以渣醋傳項

下，脾胃寒薄，易泄無渴者，勿服。五月採，陰乾，用

黃為之使。

鶴虱 百一 苦辛，氣涼，小毒。殺五藏之蟲，止虵咬心痛。

按鶴虱，即天名精之子也。形如鶴虱，殺蟲方中為

最要藥，兼止瘡。傅惡瘡，故李絳手集方治小兒虵蟲

噉心腹痛，亦單用此研末，以肥猪肉汁下之。五歲一

服二分，蟲出即止也。中砒霜毒，腸胃未裂者，濃煎汁

送下，立止。黃黑色，微炒用。

本草綱目 卷十一 草部 天名精 鶴虱



稀莨 百三 味苦氣寒 主用與性寒相違高郵軍謂其性溫疑當 小毒入足

厥陰少陰經主肢節不利肌體麻痺療脚膝軟疼纏綿風氣補元氣祛風濕長眉髮烏鬚鬢蘇恭治熱蠱煩滿不能食者濕熱盛則生蠱濕則煩滿不能食春生之藥本合風化風能勝濕苦寒除熱故主之也按稀莨陽草也感少陽生發之氣以生雖能祛風除濕活血然有毒令人吐以為生寒熱溫理或有之以為生瀉熟補未敢盡信豈有苦寒搜風之劑一經蒸煖便有補益之功耶世俗見慎微本草傳其功用甚

効然近世服之經年罕驗意者製法未盡善與風氣有分別與藥產非道地與亦以見執方者之一失也古人所謂補者亦以邪去則正氣昌非謂其本性能補耳若病人患四肢麻痺骨間疼痛腰膝無力由于脾腎兩虛陰血不足不因風濕所中而得者不宜服之 多生于江東其處語言呼猪為豨呼臭為莨因其氣作猪臭而名之五六月採收蜜酒層層和酒九蒸九晒用

蘆根 百四 味甘氣寒入足陽明經噎噦煩熱之司嘔



本草綱目 卷十一
逆瀉痢之療消渴利腸益胃降火別錄主消渴者中
焦有熱則脾胃乾燥津液不生而然也甘能益胃和
中寒能除熱除火熱解胃和則津液流通而渴止矣
又利小便者肺為水之上源脾氣散津上歸于肺始
能通調水道下輸膀胱腎為水臟而主二便三家有
熱則小便頻數甚至不能少忍火性急速故也肺腎
脾三家之熱解則小便復其常道矣按蘆根稟水
之陰氣獨入陽明清熱下降胃熱火逆者宜之必取
水底者其味甘辛若浮在水中者不堪用也其中空

虛又能入心肺治上焦虛熱荀性更佳解河鮪毒發
背潰爛以陳蘆葉為末葱椒湯洗淨傅之神效霍亂
嘔吐因于寒者勿服取肥者去鬚并赤黃皮

麻黃百五甘辛苦溫氣味俱薄輕陽也升也清而浮

手太陰之藥入足太陽經麻黃乃太陽經藥兼入肺

經藥兼入脾經脾主肌肉發散雖同所入迥異兼走手少陰陽明專司冬令

寒邪散發頭疼脊強去營中寒氣泄衛中風熱解肌

麻黃療傷寒發表出汗服麻黃而汗不止者以水浸髮撲法即止止咳麻

解肌第一藥乃肺經專藥故定喘除風本經主中風傷寒頭痛溫

治肺病多用之



瘧發表出汗去邪熱氣者蓋以風寒濕之外邪客于陽分皮毛之間則腠理閉絕榮衛氣血不行此藥輕清成象故能去其壅實使邪從外散也又治欬逆上氣者風寒鬱于手太陰也風脇痛者風邪客于脇下也斯皆衛實之病也衛中風寒之邪散則諸證自除矣按麻黃治衛實之藥桂枝治衛虛之藥二物雖為太陽證藥其實營衛藥也吳曰輕可去實麻黃葛之邪客于陽分皮毛之間腠理拒閉營衛不行故謂之實二藥輕清成象故可去之麻黃味苦其形中空陰中之陽入足太陽寒水之經其經循背下行本寒而又受外寒故宜發汗去皮毛氣分寒邪以泄表實

若過發則汗多亡陽或飲食勞倦及雜病自汗表虛之証用之則脫人元氣不可不禁好古曰

心主營為血肺主衛為氣故麻黃為手太陰肺之劑桂枝為手少陰心之劑張仲景以傷寒無汗用麻黃有汗用桂枝醫者未得其精微也精液為汗汗即血也在營則為血在衛則為汗夫寒傷營營血內滯不能外通于衛衛氣閉固津液不行故無汗發熱而增寒風傷衛衛氣外泄不能內護于營營氣虛弱津液不固故有汗發熱而惡風然風寒之邪皆由皮毛而入皮毛者肺之合也是症雖屬乎太陽而肺實受邪



氣其證時兼面赤怫鬱欬嗽有痰喘而胸滿者
非肺病乎蓋皮毛外閉則邪熱內攻而肺氣鬱
用麻黃甘草同桂枝引出營分之邪達之
杏仁泄肺而利氣汗後無大熱而喘者
人書夏至後加石膏知母皆是瀉肺火之
黃湯雖太陽發汗重劑實為散解肺金火
腠理不密則精液外泄而肺氣自虛
用桂枝同甘草外散風外以救表內
佐以芍藥泄水而固脾泄東所以補

行脾之精液而和營衛也下後微喘者加厚朴杏仁
以利肺氣也汗後脉沉遲者加人參以益肺氣也雖
為發表第一藥惟當冬令在表真有寒邪者宜之或
非冬月或無寒邪或寒邪在表或傷風等證雖發熱
惡寒苟不頭疼身痛拘急六脉不浮緊者皆不可用
雖可汗之證亦當察脉之輕重人之虛實不得多服
蓋汗乃心之液若不可汗而汗與可汗而過汗則心
血為之動搖或亡陽或血溢而成壞症可不慎哉若
表虛自汗陰虛盜汗肺虛有熱多痰欬嗽以致鼻塞

及平日陽虛腠理不密之人脉浮弦濇太沉微細弱
及伏匿者法所同戒凡服麻黃須謹避風不爾病

復發難療產青州彭城屬山東而滎陽中牟者屬河南獨

勝宜用陳久者去根節止汗故也煮數沸抹去上沫沫令人煩

焙乾用黃芩為之佐厚朴白微為之使惡辛夷

麻黃根節百六味甘氣平止諸虛盜汗自汗治亡陽

濕風柔痙按麻黃其形中空散寒邪而發表其節

中閉止盜汗而固虛以故盜汗自汗者用竹扇杵末

同撲之又牡蠣粉粟粉并麻黃根等分為末生絹袋

盛貯撲手摩之汗止效如影響物理之妙不可測度

如此當歸六黃湯加麻黃根者亦以止汗捷也蓋甘

性能行周身肌表故能引諸藥外至衛分而固腠理

本草但知撲之之法而不知服餌之功尤良也

木賊百七甘苦微溫陽中之陰升也浮也入足厥陰


少陽經血分益肝膽退目翳暴生消積塊止月經久

滴極易發汗大能疎邪得麝香牛角腮治休息痢證

得芎歸餘糧石治赤白崩中得槐蛾桑耳治腸風下

紅得槐子枳實治痔疾出血按木賊與麻黃同性

本草綱目 卷一 草部 麻黃根節 木賊 二 每匁



同形去節焙過最易發汗解肌并散火鬱風濕但粗細之分耳治木器者用之磋擦則光淨故有木賊之名取以制肝木有靈也故能治目昏多淚眼目血疾因其入肝伐木故不可多服若目疾由于怒氣及暑熱傷血暴赤腫者非其所任

燈心

百八

甘辛淡寒陽也入手少陰太陽經清心必

用

夜不合眼可用代茶

陰瀉偏宜治五淋療黃疸燒灰吹喉痺

塗乳治夜啼

按燈心屬金與火能助水清熱其味

淡五藏無歸專入小腸利水訣曰小腸受盛與心應

故又入心經燒灰性涼入輕粉可治陰疔衄血不止

者一兩為末丹砂一錢米飲服新治乳蛾以鹹酒浸

透入雞子殼中封固煨存性研加梁上倒掛塵及

青魚膽明礬銅青點咽喉神妙虛脫人及中寒小便

不禁者勿服以粳米粉漿過晒乾研末入水淘之

浮者是燈心也日乾用

生地黄

百九

甘苦寒氣薄味厚沉而降陰也入手足少

陰厥陰及手太陽足太陰經涼心火之煩熱補腎水

之真陰止肺金之衄血理脾氣之痿躄外行潤皮膚



本草匯編 卷十一
三
燥內行。敗熱暈昏沉。骨蒸勞熱。可奏神功。五心熱。悶並堪主治。又治婦人月經閉絕而不行。產後血上攻心而作暈。應施于脉洪多熱。不宜于脾胃有寒。日華云。助心膽氣。強筋骨。安魂魄。定驚悸者。膽爲五藏六府之首。行春升之氣。故十一藏皆取決于膽。爲中正之官。地黃入手足少陰。亦入足厥陰。心與肝爲子母之藏。膽爲肝之府。肝主筋。腎主骨。腎藏精與志。肝藏魂。肺藏魄。心膽二經虛。則病驚悸。此能涼心助膽。補肝。心涼則熱不薄。肺肝肺清寧。則魂魄自定。膽氣

壯則驚自除。肝腎足則筋骨自強。心腎交則志自長矣。按生地黃治心熱。手足心熱之要藥也。形質沉重。當入脾胃。爲脾之腎藥。雖能益腎水生精血。必脉洪實而血熱者。爲宜。錢仲陽瀉丙火。與木通同用。以導赤也。東垣言其能瀉脾土之濕熱。然太寒能倒脾氣。亦不可多用。當使實脾藥中用二三。分。俾脾家不受邪可耳。惟陰微陽盛。相火熾強。來乘陰位。日漸煎熬。爲虛火之證者。宜斟酌用以滋陰退陽。凡產後惡食作瀉。雖見發熱惡露作痛。不可用。誤用則泄不止。

胃氣者。後天元氣之本也。胃困則飲食不運。精血不生。虛熱何自而退。故併當歸忌之。後天火甚。先天陰虛。症見關格。踴發。

大有功也。但不利于久虛氣滯。凡見此宜多加炮。薑桂心人參。若陰

虛咳嗽。內熱骨蒸。或吐血等候。一見脾胃薄弱。大便不實。或天明腎泄。產後泄瀉。不食。俱禁用歸地。又凡

痰凝氣鬱。升降窒塞者。宜通而不宜滯。禁用地黃。惟勞倦傷脾而熱。及老人津液枯竭。八腸結燥。便不潤

者。皆當用之。浙江種者。受南方丙丁陽火之氣質。

雖光潤而力微。懷慶生者。屬河南稟北方壬癸濡潤純

陰。皮有疙瘩而力大。選沉水者。用酒浸則上行。外行薑汁浸。則不膩膈。忌銅鐵器。令人腎消髮白。男損營女損衛。得清酒。門冬良。惡貝母。畏蕪荑。葱蒜蘿蔔俱忌。

熟地黃百甘苦微溫。味厚氣薄。陰中之陽。沉也。入手足少陰。厥陰之經。大補血衰。倍滋腎水。增氣力。利耳目。填骨髓。益真陰。生地能生精血。用天門冬引入所生之處。熟地能補精血。用麥門冬引入所補之處。治傷寒後。脛股之痠痛。療新產後。臍痛之難禁。退虛熱。

本草綱目 卷十一 草部 熟地 三 每花真



而潤燥補精血而調經本經治痺病者痺為血分之病因虛而風寒濕邪客之故筋拘攣而痛養血和肝痺必瘳矣其曰填骨髓長肌肉主男子五勞七傷者地黃為至陰之藥正補腎水真陰而益血血旺則髓滿陰足則肌肉自長五勞七傷皆陰虛內熱真陰不足之候甘寒能除內熱而益精髓故勞傷自除也又治溺血溺血者腎與小腸熱也益陰涼血則溺血自止二便自利按熟地黃腎之脾藥也雖補五臟內傷要惟補腎之功居多血衰者須用之
血熱者宜用生地脈洪實

亦宜生時珍云男子多陰虛宜用熟地女子多血熱宜用生地臍下痛發熱者腎經

病也非此不能除脈虛軟者亦宜用之最補腎中元氣仲景六味丸以之為諸藥之首天一所生之源也


湯液四物湯治藏血之藏以之為君者癸乙同歸一治也然此劑膩膈或醇酒浸或薑汁炒或同附子用

不惟行滯乃能引導入腎更須佐以砂仁沉香二味皆納氣歸腎故下元衰者須用之若尺脈微者桂附

相宜尺脈旺者以黃蘗知母兼用愚按丹溪云氣病

無害也而不知害已伏其中矣夫血藥屬陰其性凝滯疑滯之物每于氣病不宜常見胃虛氣弱之人而

本草匯 卷十一 草部 熟地 每花與



施之當歸地黃等劑反致胸膈痞悶飲食減少以至
變症百出至死不悟此皆因陰滯之性損其中和之
氣也大抵血虛固不可專補其氣而氣虛亦不可
補其血認證用藥隨機應變當無偏損之害矣
沙苑蒺藜肉蓯蓉鹿茸山萸五味能益男子精同人
參遠志麥冬酸棗仁栝子仁茯神甘草治心虛驚悸
怔忡健忘同女貞甘菊枸杞白蒺藜能明目益精同
黃連連翹薄荷甘草甘菊木通治暴眼赤痛同九蒸
丸晒方熟市中每一煮透便以為熟悞矣稟北方純
陰之性而生非太陽與烈火交鍊則不熟也所以固
本膏雖終日煎熬必生熟各半用之即此可知地黃

非一煮便熟者矣酒炒上行不妨胃薑汁炒不膩膈
忌蘿蔔葱蒜得丹皮當歸良

牛膝百十一味苦酸平氣薄味厚陰也降也入足少陰

厥陰經補腎強陰理腰脊膝蹠之傷強筋續絕通血
結癥瘕之證療淋家莖痛欲死止久瘧寒熱不休治
寒濕痿痺療四肢拘攣填骨髓逐五淋同麝香墮胎
甚捷借葵子立下胞衣按牛膝為陰能降而不能
升故主用多在腎肝下部上焦藥中勿入然五淋諸
證極難見効惟牛膝一兩入乳香少許煎服連進數

本草匯 卷十一 草部 牛膝 每花與




劑即安下行能滑竅。夢失遺精者在所當禁。氣虛下陷血崩不止者戒用。若膝之不能立與能屈而不可伸者亦在所忌。產懷慶用長大柔潤者。酒浸拌蒸入藥。生用行下去惡血。滋補酒焙補肝腎。惡龜甲畏白前忌牛肉。

紫苑百十二苦辛微溫。陽中之陰。可升可降。入手太陰。兼入足陽明。主痰喘上氣。療欬吐膿血。調中益肺。解渴潤肌。按紫苑辛而不燥。潤而不寒。補而不滯。誠哉金玉君子也。其能治欬逆肺痿者。乃辛散氣而苦

泄火清肺之用也。而調中止渴潤肌添髓。乃溫補潤肺之功也。苦能下達。辛可益金。故吐血保肺收為上品。雖入至高。善于下達。使氣化及于州都。小便自利。人所不知。然其性辛溫。亦暫用之品也。如肺病欬逆喘嗽。皆陰虛肺熱之證。不宜專用。多用即用。亦須與天麥冬百部地黃桑皮苦寒之藥參用。去頭鬚洗淨。每一兩。蜂蜜二分。焙用。治嗽消痰。必須酒洗。款冬為之使。惡瞿麥藜蘆。本遠志畏茵陳。

麥門冬百十三味甘微苦微寒。陽中微陰。降也。入手太

本草匯編 卷十一 草部 紫苑 麥門冬



陰少陰經退肺中隱伏之火生肺中不足之金止燥渴陰得其養補虛勞熱不能侵除心經客熱安神益氣滋腎水化源強陰益精經枯乳汁不行堪資作引肺燥欬聲連發須仗為別錄治虛勞客熱口乾燥渴者因虛勞而熱客中焦散口乾而燥渴陽明之熱上衝則兼嘔吐也治痿躄者陽明濕熱病也陽明濕熱盛則薰蒸于肺而為痿定治痿獨取陽明治本之道也按麥門冬稟秋令之微寒得西方之正色故清肺中伏火多助心火焦風止如盛暑秋風一至炎

蒸若失矣心主血心既清寧妄行者息脾受濕熱則肌肉腫而腸胃滿熱去即濕除腫滿者自愈金不燥則不渴金水生則益精故成聊攝云肺燥氣熱以酸收之以甘緩之門冬之甘潤肺除熱但專泄而不兼收中寒有濕人不可服也東垣曰六七月間濕熱方旺人病骨乏無力身重氣短脉氣欲絕者孫真人以五味子之酸溫瀉丙火而補庚金人參之甘溫瀉熱火而益元氣門冬之苦寒滋燥金而清水源三味能兼益五藏之氣故同為生脉之劑其功用與天冬少



異麥冬清心降火止上欬天冬滋陰助元消腎痰天冬
冬並入手太陰而駁煩解渴第麥冬兼行手少陰每
每清心降火使肺不犯于賊邪故止欬立効天冬復
走足少陰屢屢滋陰助元令
肺得全其母氣故消痰殊功
先哲有云痰之標在脾
痰之本在腎痰係津液凝成腎司津液者也燥則凝
潤則化天冬潤劑走腎故能化解也又云半夏能治
痰之標不能治痰之本以是觀之則天冬能治痰之
本不能治痰之標非但與門冬殊亦與半夏異也
取肥大者微火焙軟去心用
心令人煩畏其寒者以酒浸
用地黃車前為之使惡款冬苦瓠畏苦參木耳伏鍾

乳

萱草根

百十四

味甘氣寒入手足太陰經治沙淋下水

氣療酒疸止熱衄通小便散癰腫按萱草之甘宜

歸脾部而肺則其所生者故亦入之屬水性下走陰

分故每有功于下焉苗花亦利胸膈消濕熱

淡竹葉

百十五

味甘淡寒入手太陽經葉去煩熱專通

小便根能墮胎孕婦禁服按淡竹葉有走無守不

能益人淡味五藏無歸但入太陽利小便小便便利則

心火因之而清矣一窠數鬚鬚上結子採其根苗



搗和米作酒麴甚芳烈

冬葵子

百十六

甘寒性滑入足太陽經達諸竅通大腸

利小便催難產通乳閉下胞衣出癰疽頭解蜀椒毒

按冬葵氣味俱薄淡滑而陽故能利竅通乳消腫

滑胎關格者恒用之也

秋葵功用亦同

乳婦氣脉壅塞奶房

凝脹用子炒香砂仁等分爲末熱酒服二錢此藥能

滋氣脉通營衛行津液極驗小兒快吞銅錢煮汁飲

之神妙如無故服之必有損真之患其性雖冷若熱

食之令人熱悶動風氣四月食之發宿疾天行病後

食之令人失明霜葵生食動五種留飲吐水凡服百

藥忌食其心心有毒也黃背紫莖者勿食之不可合

鯉魚黍米鮮食害人食葵須用蒜同食無蒜勿食之

以秋種葵覆養經冬至春作子者謂之冬葵可入

藥用更有一種赤白蜀葵花紅者治赤帶赤痢如神

血燥兼治白者驅白帶白痢速効氣燥亦毆子能催

生墮胎更療淋澀水腫葉貼金瘡火瘡又除熱毒丹

毒皆取其寒滑潤利之功也

款冬花

百十七

甘辛微溫純陽

款冬賦雪積水堅款花偏艷想見其純陽之品

也。可升可降。入手太陰經。清喉痺。治肺癆。能潤肺消痰。止勞欬。連連不絕。療肺氣心促。除喘息。涕唾稠粘。按款冬。得天地陰寒之氣。而兼稟乎金水之性。故凌米雪而獨秀。先春開敷。得腎之體。先肝之用。雖具辛溫。却干燥。其品輕揚。上達至高之府。贊相傳而奏功。所以古方用為溫肺治嗽之最。然能出肺之邪。而非肺之專藥也。其所以治咳喘喉痺者。蓋使肺病有出路。從腎順流而去也。大段咳必因寒。寒為冬氣。而肺受為逆。款冬不惟使其逆氣得順。時之序。尤能

化寒冽。且為先春之榮矣。此物也。唯堪理氣化之逆。如脉傷之咳。大非其類。倘驚癩從胎受。寒熱在腎藏者。亦頗相宜。崔知悌療久嗽熏法。每旦以款冬一兩。蜂蜜拌潤。入茶壺中。以麪固其蓋。勿令漏氣。壺下着炭火。待烟從口出口。含吸。烟盡乃止。數日必効。然所惡所畏甚多。止可專與人參麥冬百合補肺藥中。則有効。世多以枇杷葢偽之。焉得有功。產常山。屬江上黨。冀州西南水傍。擇未舒嫩葢。去向外。裹殼甘草水。浸一宿。晒乾。用杏仁為之。使得紫苑良惡皂莢消石。

本草匯 卷十一 草部 款冬花 三 海花



玄參畏貝母辛夷麻黃者黃芩連翹青箱然雖畏貝母得此反良物有相制故也如半夏畏生薑得之則制其毒而愈能奏功也

敗醬百十八苦辛鹹寒入足少陰經及手足厥陰陽明

經除腫癰敗膿散血破凝結消浮滌煩治產後腰痛腹痛療蠅蝮尿瘡透膜按敗醬因似敗豆醬氣故以為名善于排膿破血故仲景治癰及古方婦人科皆用而後人不知用益未遇識者耳同甘草葉相伴蒸揀取用

决明子

百十九

味鹹氣平

別錄苦甘微寒

入足厥陰經治肝家

風熱去目中翳膜理赤眼淚出療眶爛青盲按决

明子得水土陰精之氣而兼稟乎清陽者也原是苦

甘寒之藥甘得土氣苦可洩熱平合胃氣寒能益陰

洩熱東方正藥亦入膽腎

治青盲膚膜淚出之因熱傷血分者倘係氣分及風

寒而致目中諸症非其宜矣

作枕治頭風明目得沙苑蒺藜甘菊

枸杞生地女貞槐實穀精草補肝明目得生地甘菊

荆芥黃連甘草玄參連翹木通治暴眼赤痛又以决

明炒研茶調傅兩太陽穴乾則易之一夜即愈治目



本草綱目 卷十一 二 藥部 雜考 三 木 木 疾之外無他用矣。別有一種石決明草，決明與之同功而各為一種。炒熟研細，惡大麻子。
地膚子 百廿 味苦，氣寒。入足太陰經，解膀胱之熱。治客熱丹腫，散惡瘡，利小便。皮膚風熱，可作浴湯。雷頭風腫，熱酒沖服。按地膚子，氣味苦寒，得太陽寒水氣化，太陽之氣上及九天下徹九泉，外彌膚腠，故地膚之功。上治頭而聰耳明目，下入膀胱而利水去疝。外去皮膚熱氣而令潤澤。服之病去，必小水通長為外徵也。即其利水兼能祛濕者歟。又列於雜考。

瞿麥

百廿一

苦寒，陰也。陽中微陰。入足太陽經，逐膀胱

邪熱，治關格癆結，通淋利水，破血逐胎，決癰腫，通月

經。按瞿麥，稟陰寒之氣，惟破血利竅四字，足以罄

其功能。八正散用為利小便之主藥。若心經雖熱而

小腸虛者，不可服。服則心熱未退而小腸別作病矣。

小腸與心為傳送，故用此入小腸。當求其屬以衰之，可耳。九竅出血，

服藥不止者，用瞿麥一把，山梔仁三十箇，生薑一塊，

甘草炙半兩，燈草一小把，大棗五枚，水煎服。其性猛

利善下。凡水腫蠱脹脾虛及腎氣虛，小腸無大熱，小

水腫蠱脹脾虛及腎氣虛，小腸無大熱，小



水不利胎前產後一切虛人並禁 只用殼盡不用
莖葉若一時同使即空心令人氣噎小便不禁也以
莖竹瀝浸一伏時漉晒今皆炒用牡丹為使惡蠅蝟
伏丹砂

葶藶子

百廿二

苦辛大寒小毒氣味俱厚沉也陰中之

陽入手太陰少陰經亦入手陽明足太陰太陽經泄

水氣之橫流療遍身之腫脹

淮南子云大戟去水葶藶愈脹用之不節乃反

成病亦在用降肺壅之奔迫下痰氣之洶湧通利水

道逐堅破癥

按葶藶大能降氣專于行水走泄十

劑云洩可去閉葶藶大黃之屬此二味皆大苦大寒

一洩血閉一洩氣閉夫葶藶之峻利不減大黃性急

逐水殊動真氣稍涉虛者宜痛戒之有甜苦二種甜

者下泄之性緩雖泄肺而不傷胃故形瘦證輕者宜

之若者下泄之性急既泄肺而易傷胃當以大棗輔

之故壯人證重者宜之

大抵苦則下泄甜則少

然肺

家水氣急滿非此莫能療但不可過用耳

葶藶能洩陽分肺中

之閉亦能洩大便為其體輕象陽故也

凡腫滿由于脾虛及真陰不足

之人咸不可服

出曹州者

屬山東

獨勝酒潤炒或糯



米拌微火略焙米熟去米用若傅頭瘡藥氣入腦殺
人榆皮爲使得酒良惡白殭蠶宜大棗

王不留行

百廿三

味甘苦平陽中之陰入手陽明經通

血脈下乳汁利小便消疔腫按王不留行喻其走
而不守雖有王命不能留其行也乃陽明衝任走血
分之藥也古云穿山甲王不留婦人服了乳常流見
其性行而不住也失血後崩漏家孕婦並禁一漿水
浸焙乾用

車前子

百廿四

甘鹹氣寒陽中之陰降也入手太陰太

陽足太陽少陰厥陰經導肝熱之上衝治眼目之赤
痛除濕氣之內鬱利小便之淋瘳去心胸煩熱理胎
產難生本經治氣癃者正謂其通腎氣也治女子淋
瀝不欲食者是脾腎交病也濕去則脾健而思食氣
通則淋瀝自止水利則無胃家濕熱之氣上熏而肺
得所養矣按車前子有滋陰除濕之功通中有補
所謂利小便而不走氣也若配兔絲枸杞之類則滋
腎補陰壯陽又非止利水而已以是觀之本草所謂
益精者蓋有以也男女陰中各有二竅一竅通精乃



命門真陽之火。卽先天之元氣。道家謂之君火。後天之精氣。亦與之合而繫焉。一竅通水。乃膀胱濕熱之水。滲出下竅。道家謂之民火。是也。二竅不並開。水竅常開。則濕熱外洩。不致鼓動真陽之火。斯精竅常閉。而無洩漏。久久。則真火寧謐。而精用益固矣。別錄謂其尤能明目者。何也。大凡逐水之劑。俱損于目。惟此最能解肝與小腸之熱。熱退而目愈。非謂泄水日愈也。腎氣虛脫者。忌與滲淡藥同用。若內傷勞倦。陽氣下陷之病。皆不可用。陶弘景言。用葉搗汁服之。療泄

精甚驗。宗奭方辨其誤。蓋此藥甘滑。利便泄精氣。有人作菜服之。小便不禁。幾爲所悞。淘淨晒乾。入湯液炒過用。入丸散。酒浸一夜。蒸熟研爛。作餅晒乾焙研。常山爲之使。

連翹

卽連翹
百廿五

苦寒。氣味俱薄。輕清而浮升也。陽也。入

手足少陽。手陽明經。又入手少陰經。療瘡瘍之結熱。

除諸經之客熱。去心經之鬱熱。除中部之濕熱。第可
施于

上中二部而下
部實非其性既有清熱之功。又有散結之妙。本經

主治寒熱鼠瘻癰癧癭瘤結熱者。以諸證皆從足少

本草匯 卷十一 草部 連翹 每花與

陽膽經氣鬱有熱而成此藥正清膽經之熱其輕揚
芬芳之氣又足以解足少陽之鬱氣清其熱散其鬱
靡不瘳矣又治癰腫惡瘡無非營氣壅遏衛氣鬱滯
而成清涼以除瘀熱芬芳輕揚以散鬱結則營衛通
和而瘡腫消矣按連翹清而無補之劑乃少陰心
經厥陰包絡氣分主藥諸痛癢瘡瘍皆屬心火故爲
十二經瘡家聖藥乃結者散之之義而兼治手足少
陽手陽明三經氣分之熱與柴胡同功但此治血熱
柴胡治氣熱爲少異耳連翹之用有三瀉心經各熱
去上焦諸熱及瘡家聖藥

癰疽已潰及火熱由于虛者脾胃薄弱易于作泄者
多用卽減食有寒中之患 手搓用

青黛

百廿六

鹹甘氣寒陽中之陰可升可降入手太陰

足厥陰經散五藏之鬱熱瀉肝經之積熱療天行之
疫熱去小兒之疳熱 按青黛外國藍靛之英華也
善治中下焦蓄風熱毒之氣而尤宜于小兒故宮氣
方歌孩兒雜病變成疳不問強羸女與男煩熱毛焦
鼻口燥皮膚枯槁四肢癱腹中時時更下痢青黃赤
白一般般眼澀面黃鼻孔赤穀道開張不可看此方

便是青黛散。孩兒百病服之安。波斯國者不可得也。今惟以乾靛充用。然內多石灰。不可輕用。須淘之數次。取浮標用。或用青布浸汁代之。

蒺藜

百廿七

苦辛甘溫。入手太陰足厥陰少陰經。治皮

膚風癢頭痛。療風秘月經不通。明眼目。去燥熱。催生墮胎。發乳療毒。按蒺藜有二種。一種同州沙苑白蒺藜。感馬精所生。一種秦州刺蒺藜。感地中陽氣所生。實成于秋。而外刺堅強。得金之堅固。氣為肝之用藥也。然肝雖有藏血之體。而血非可留之物。留則不

虛靈而血惡。斯致疾矣。蒺藜其性宜行快便。故積聚乳難之症。皆治之。後世補腎治腰痛。泄精虛損勞乏。多用沙苑蒺藜。二者功亦不甚相遠。然同州者。性能固精。命門火熾。陽道易舉。交媾精不得出者。勿服。同蓮鬚山萸五味。蓮肉覆盆子魚膠龍骨。能固精益腎。得甘菊枸杞決明女貞。能明目。白癩風者。用白蒺藜六兩。生搗為末。每服二錢。日二服。一月絕根。服至半月。白處見紅。神効。揀淨蒸之。日乾。木臼春去刺。用酒拌。再蒸。或炒去刺。亦可。烏頭為之使。同州綠色。嚼



之有菉豆氣者良此誠續嗣神丹而本草不言惜哉
穀精草 百廿八 甘辛溫入足厥陰陽明經頭風翳膜遮

睛雀盲痘後目翳腦痛眉痛鼻熏偏正頭風麩貼開
寶主治喉痺者手少陰心火與足少陽相火相煽上
壅而成也此藥性辛辛能散結溫能通氣散二經之
火則氣通而無所結滯矣又治齒風痛者陽明胃家
風火熱盛上衝之所致也熱則生風風火相搏故發
齒風痛也諸瘡疥之生皆由于血熱諸痛癢瘡瘍皆
屬心火藥宜辛散故悉主之 按穀精草藉穀之餘

氣結成得陽明燥金氣化體性輕浮入肝補益肝氣
能上行陽明分野凡治頭目諸病加而用之明目退
翳之功似在菊花之上多生于田中收穀之後其得
天地之和氣者歟若小兒雀盲者用羯羊肝一具不
用水洗竹刀刮開入穀精一撮炙熟搗作丸日三服
茶下除目疾之外無他用矣

海金沙 百廿九 甘寒入手太陽足太陽經主濕熱腫滿

療傷寒熱狂治莖痛澀痛利膏淋血淋通小腸解熱
毒 按海金沙淡滲而無補益太陽經血分之劑惟

本草匯 卷十一 一草部 穀精草 海金沙 每包




7
10
494

本草匯卷十一
熱結在二經血分者宜之小便不利及諸淋由于腎
水真陰不足者勿服 產黔中及川陝間其葉極細
極薄背而皆清上多皺文皺處有沙子晒乾以杖擊
之用其沙及草皆可入藥勿令見火

本草匯卷十一

終



国立国会図書館

タイトル『本草匯18巻』 請求記号 特7-494

ガラス使用